

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 4 1939

T 3133/3514.83

0010



永平府志卷之十九

哈佛大學漢和  
圖書館珍藏印

人物志五

節烈上

唐

李孝婦平州人夫名失傳隨姑採薪山中遇雨雹以身翼

姑而死土人名其山曰媳婦山

明

翟氏李鶚妻永平府人夫亡撫孤守節終身

國朝

齊氏燕先正妻 宋氏楊茂新妻 齊氏賈漢儒妻 崔



氏費進秋妻 范氏張仲季妻 孟氏王程妻 俱永

平人夫亡守節題請 旌表

劉氏王思讓妻永平府人年十七歸思讓一歲而思讓卒  
氏矢志守節

李氏王得妻永平府人夫亡子幼家甚貧母勸改適氏嚴  
拒之守節五十餘年卒

趙氏張元妻 白氏周尙卿妻 李氏周大奇妻 章氏

張縉妻 劉氏盧克敬妻 費氏鄒宏道妻 俱永平

人夫亡守節

以上見畿輔志不詳其縣

元

宋氏王宗仁妻進士宋褻之女也宗仁家永平兵亂偕氏  
避於鐸子山夫婦爲軍所擄行至玉田有窺氏色美欲  
害宗仁者氏顧謂夫曰我不幸至此必不以身累君遂  
攜一女投井死時年二十九歲

明

崔氏永平衛贈鎮撫楊成妻年二十六夫亡二子興旺在  
抱紡績自活宣德三年旌表

李氏呂文秀妻年二十二夫亡遺孤在哺亦殤氏以鍼工  
自給天順八年旌表



杜氏庠生李達妻侍郎謙之姊也年二十五夫亡遺孤三歲氏守而撫成天順八年旌表

孫氏劉儉妻年二十六夫亡養舅姑撫孤克盡慈孝成化二十年旌表

周氏李澤妻年二十五夫亡剪髮自誓姑年九十餘患風痺不能步履候起居侍湯藥經年歿葬以禮成化二十年旌表

葉氏王銘妻年二十三夫亡苦節四十餘年以紡績自給教子有成成化二十年旌表

李氏楊姜妻夫死無子嘉靖九年敵自黃崖入犯被獲擁之上馬不從大罵見殺

戴氏郡庠生陳表妻年二十九夫亡撫遺孤以女工自給四十餘年萬歷元年旌表

茹氏庠生朱廷芳妻年二十一夫亡撫孤克儉甘貧守節撫按旌其門

錢氏翟堂妻年十九夫亡子守忠尚在襁褓奉姑守節姑八十餘終子亦尋卒門無五尺童家無升斗儲氏與子婦相依爲命人稱雙節

程氏郡庠生李鶚薦妻年二十七夫亡奉舅姑盡禮撫孤學孟爲諸生守節四十餘年



胡氏郡庠生李瓊妻年二十夫亡撫孤守節

張氏進士郭經妻家貧事姑楊氏盡孝夫卒無嗣守節終身

身

霍氏青山駐操艾繡妻年二十夫亡長齋守志年至八十

餘

張氏東勝左衛知州唐福繼室年二十四夫亡遺腹子嗣

例應襲世職族人爭之氏籲天曰得存此息以奉烝嘗

足矣讓之教嗣成明經任學正

羅氏順天大興縣世家女青州守朱鑑之族孫昌期贅居

焉昌期亡遺孤明時幼氏依母家守節課子占籍大興

登萬歷庚戌進士歷任河南兵備道副使

劉氏故家女御史韓應庚五十無子知其貞靜求為側室

父有難色氏曉書史繙晉絡丞傳父解其意乃嫁之年

二十八應庚卒生子原濬方十餘歲氏扶嫡郝氏坐堂

上呼家童抱原濬于前慨然論以大義內外帖然崇正

庚午郡城垂危氏盡生平耕織所貯括萬金上軍門犒

師命原濬避難以存韓祀而身與城為存亡城陷復以

智免

楊氏韓御史側室崇正庚午之變被執大罵而死

宋氏僉憲韓原善繼妻封孺人賦性貞靜年三十而寡力



持家政遇前子廣業慈愛佐膏火成名士次宏業已出也甫數歲僉憲卒教之獨嚴任知縣

王氏華陰令韓應奎仲子原潔妻樂亭王大司徒孫女也崇正庚午夫遇害氏不憚凶穢泣尋夫尸於積骸中卽欲枕屍而死姑徐氏攜孤坤業百端勸慰乃忍慟勉從逾兩月生遺腹子泰業苦節守志教子遊泮鄉黨稱之李氏布政司充濁之女適盧龍衛指揮焦承勳勳居官廉有父潤風早卒氏年二十餘哀毀絕粒誓欲殉夫姑諭以遺孕在腹當念焦氏後氏乃勉從姑命生子效良撫孤奉姑靡不周至終身非至親不面詔旌

韓氏光祿監事李浣妻封御史廷義女也夫卒無嗣哀毀廬墓復肖夫像並夫之父方伯公祖郡守公之像築萬柳莊別業祀之自製詩文書於壁給事白瑜勒石記之陳氏太僕卿王庭長女適庠生韓景昌崇正庚午景昌死於兵氏扶八旬祖姑攜三歲孤遇春皆得保全教子爲諸生

陳氏名靜英太僕卿王庭次女字灤州高尙書孫士鳳年十四崇正庚午亂中鄉紳白某妻羅氏知女美而慧欲爲侄娶之給太僕夫人云今將選民間秀女迎英避其家英往羅僞言高閣門被殺強之議婚女不可夜簪高



聘欵以領巾結吭死詔建坊旌之

秦氏兩當知縣李可培妻崇正庚午被執不屈投井死

生員正藻被殺婦田氏年十九子端生六日投井救免

養祖姑至九十撫端為庠生守節三十年

彭氏陸純妻夫故守節撫子松成立年至八十五松死庚

午之難妻梁氏撫孤完節年至七十五人稱雙節

韓氏盧龍衛指揮同知焦延慶妻崇正庚午夫戰死陞

氏即求死家人力止之出城遠匿山莊守節二十餘年

及卒與夫木主合葬之

王氏庠生韓原洞妻崇正庚午率子婦呂氏俱縊死

李氏南戶部主事未及進朝妻年二十六夫亡于濟美

九歲遺橐蕭然氏事姑盡孝勸子務農家業不墜建

旌表

王氏東勝衛程玉妻夫亡里媪欲奪其志啗姑以厚利

竊知之泣曰妾即窶家兒顧可以利失身乎投繯而死

總兵羅希韓葬之城西蘆崗總理戚公繼光為之立碑

謝氏永平衛楊太芳妻夫亡絕粒九日而死與夫同棺

殯

王氏湯世功妻夫亡守節撫子思道成立任叅將

王氏盧龍衛指揮僉事孫鉉妻年二十二夫亡甘貧守節



撫孤光普承襲世職

牛氏盧龍衛百戶馬逢時妻夫故守節訓子玉聰為郡  
生崇正庚午城陷自縊完節

陳氏舉人廖從周子承訓妻崇正庚午承訓與叔師周俱

被害師周妻劉氏病遺孤雅尙未週齡氏恐廖門無後

舍已女以乳叔教之入泮雅亦以母事之人稱節孝

王氏庠生侯王臣妻夫死不食七日而死

陳氏王自省妻年二十餘夫亡矢志守節教子耀祖顯祖

為諸生

楊氏永平衛監生張世昌妻夫亡無子守節詔旌

張氏東勝左衛白鏞妻夫亡養姑守節人無間言詔旌

劉氏東勝左衛總旗盧尙欽妻年二十一夫亡遺孤彥忠

甫三月欲死以殉姑與父母謂之曰死矣奈孤何乃強

從撫孤有成

石氏千總朱鎮胡妻鎮胡從軍歿氏年二十餘或憐其少

艾無子勸之嫁氏悲號欲絕茹辛忍苦紡績資贍幾四

十年始終全節

尙氏庠生李思敬妻姑年衰暮夫患痼疾氏奉養服勞克

盡其道姑與夫相繼歿子析甫八歲含冰茹荼教之遊

泮守志五十餘年



韓氏東勝衛指揮張國翰妻及邑民高應磐妻侯氏劉聲  
遠妻楊氏劉承敬妻賈氏王惠民妻沙氏生員陳蒙貞  
妻宋氏俱以庚午城陷死節

豈氏宋成祿妻年十九夫亡遺子鴻儒方三月教之成立  
食餼縣庠壽至七十餘崇正十四年旌表

袁氏庠生賈真儒妻夫亡欲以身殉勺水不入口親屬諭  
之曰姑老子幼汝死何賴氏強起食勤女工以奉姑撫  
孤卓有名節 一作撫寧人

國朝

董氏庠生趙惇妻年二十夫歿孝事舅姑教子克顯入

庠雍正五年 旌表

王氏侯選經歷傅啟榮妻年二十九夫亡孝事舅姑嚴於  
教子雍正五年 旌表

王氏馬化麟妻夫亡守節雍正八年 旌表

王氏劉德宏妻年十六適夫未逾年夫亡孝養舅姑克盡  
心力撫繼子訓以義方守節三十九年雍正十年 旌  
表

李氏王瑜妻年十九夫亡奉事孀姑色養備至撫育孤子  
教以義方守節至六十一歲雍正十二年 旌表

齊氏王玲妻夫亡守節雍正十二年 旌表



汪氏王棟妻夫亡守節乾隆元年 旌表

葛氏王前妻夫亡守節乾隆五年 旌表

王氏增生李肅妻母族為邑中右姓夫家亦世敦詩禮氏

幼即賢淑克守女儀迨于歸後生三子皆不育至二十

八歲夫故氏矢志貞堅以奉翁姑繼伯氏次子向春為

嗣乾隆五年 旌表壽至八十四歲向春為縣諸生孫

業今食餼於庠

賈桂馥妻夫亡守節乾隆八年 旌表

劉植妻 王氏郭肇基妻 李氏王運泰妻 邱氏

庠生劉德明妻 韓氏王凝妻 俱夫亡守節乾隆十

年 旌表

姚氏樊養正妻夫亡守節乾隆十一年 旌表

趙氏郝倫妻 張氏倫健妻 鉉氏王元德妻 俱夫亡

守節乾隆十二年 旌表

王氏侍文秀妻 吳氏賈成章妻 俱夫亡守節乾隆十

三年 旌表

魏氏王中善妻 燕氏陳傑妻 楊氏王之翰妻 俱夫

亡守節乾隆十七年 旌表

王氏張隆妻 翁氏王文鑑妻 楊氏許煥妻 趙氏李

稜妻 俱夫亡守節乾隆十九年 旌表



寶氏許燦妻夫亡守節乾隆二十年 旌表

劉氏陳化鵬妻年十七夫亡矢志守節奉翁姑撫繼子以  
孝慈聞壽邁古稀孫曾繞膝乾隆二十七年 旌表

邢氏田國祥妻明末祥歿於難氏攜三月孤縋城避難甘  
貧苦守教子三傑爲郡庠生 以下未旌

李氏庠生薛文龍妻明末龍歿於兵氏撫育兩孤茹荼訓  
誨長子國佐中順治辛卯將材武舉

楊氏庠生郭元士妻年二十三夫亡無嗣秉志守貞孝事  
二老慈撫繼子未及授室而氏歿壽僅五十二歲

李氏陳靖策妻夫亡上事孀姑下撫幼子食貧守志三十  
餘年三子俱成立

王氏周士昌妻婚百日夫亡孝事舅姑生遺腹子恩勤苦  
守未幾子又亡氏矢志終身不渝

劉氏楊體亨妻夫亡事姑盡孝撫孤成立

王氏馬大德妻夫亡遺孤甫八歲食貧守節訓誨有成  
沈氏王輔妻事舅姑維謹撫孤成立孝慈可風

管氏庠生劉亮輔妻年二十九夫亡辛勤撫孤成立子又  
亡氏慰婦撫孫守節

張氏庠生毛峻岐妻年二十五夫亡守節撫孤成立

郭氏庠生張宏妻年二十九夫亡兩孤幼氏矢志苦守撫



教成立

楊氏庠生丁維楫妻年二十夫亡遺孤蕙方二歲氏矢志苦守孝事孀姑教子遊泮

張氏武進士赤城守備趙躋妻夫亡守節奉親撫孤內外無間教子統國中康熙庚午武舉

張氏庠生沈蘊秀妻年二十七夫亡奉姑苦守教子應昌及孫遊泮

蔡氏綏遠將軍毓榮公女也賦性端貞適候補主事金墩生年十八夫亡遺一子一女子旋亡氏矢志節彌貞繼姪啟復爲嗣恩勤撫教任內閣撰文中書康熙四十二年

覃恩誥封太孺人

韓氏蔡將軍仲子海鹽令珣妻原任貴州按察使阿琳妹也性真淑嫻禮訓夫亡守節家政肅然遵夫命撫幼叔瓚教誨成立

張氏李自輿妻年十九夫亡孝事翁姑撫遺腹子成立守節三十餘年

李氏武宏昭妻夫死他鄉氏矢志事姑教子苦守四十年

王氏周阿京妻年二十三甫婚三月夫亡遺孕生子起麟

又天氏矢志益貞勉事翁姑翁耄年納妾生子氏備極

恩勤撫叔成立旋爲婚娶生二子繼其一爲嗣郡守張



公朝琮給匾旌之

沈氏胡兆麟妻年二十七夫亡撫孤成立守節二十五年  
周氏張宏義妻年二十五夫亡撫三歲孤成立守節三十  
餘年

張氏王從聘妻年二十從聘病篤與訣氏誓以相殉及卒  
氏引剪自盡郡守張公朝琮給匾旌之

高氏馮瑄妻年二十七夫亡矢志苦守撫子端雲入泮

傅氏張宏士妻性至孝年二十六夫亡家貧親老矢志代  
供子職舅歿拮据殯葬如禮耄姑在堂朝夕侍奉彌謹  
守節三十六年

張氏穆廷召妻年三十夫亡家徒壁立力勤女紅以事姑  
撫侄承嗣守節四十年

段氏鮑聯捷妻年二十九夫亡孝事舅姑撫孤成立守節  
四十二年

管氏陳美傑妻年二十五夫亡孝事孀姑撫孤成立守節  
四十七年備嘗艱苦

徐氏蔣瑞秀妻年十九夫亡子女俱無苦守四十三年

易氏候選經歷趙正貴妻年二十三夫亡矢志甘貧撫孤  
成立守節五十三年

劉氏趙世英妻夫亡守節撫孤子又亡撫嗣孫成立守節



三十餘年

王氏宋天祿妻年三十夫亡矢志甘貧撫三歲孤成立守節三十四年

郭氏白石營遊擊李重美子若賓妻年二十九夫亡側室潘氏年二十六氏與矢節同守撫遺孤浩遊庠考入明史館當事多題贈表其雙節郡守張公朝琮旌曰松筠雙勁

李氏王臣妻夫亡矢志靡他孝事舅姑撫弱子成立守節三十餘年郡守張公朝琮旌曰貞淑慈徽

謝氏陝西西安府司獄王國垣妻年二十二夫亡於官氏拮据經營扶柩歸里撫三歲孤成立守節三十餘年郡守張公朝琮旌之

李氏朱之琦妻夫亡矢志撫孤持家勤儉五子俱成立伸爲諸生守節垂五十年

何氏劉建基妻建基山西人貿遷於永娶何氏旋亡無宗黨氏年十九撫三歲孤矢志靡他苦守成立

石氏劉承恩妻年二十九夫亡辛勤紡績事姑撫子守節四十餘年

高氏李茂陽妻年二十夫亡遺孤維化甫三歲家貧氏矢志苦守孝事孀姑撫子遊泮



閔氏庠生韓遇春妻年二十八夫亡撫子生陽入泮娶媳  
孫氏生陽又亡媳年二十七奉姑同矢志苦節兩世孀居  
備嘗艱苦

閔氏朱正妻年二十七夫亡事舅姑朝夕不怠甘貧守志  
訓遺腹子爲極遊庠

李氏庠生王綺妻年二十六夫亡遺二子長大任次大伸  
俱幼氏甘貧矢志奉公姑克盡孝道紡績訓二子皆成  
立

尹氏王九富妻年二十四夫亡氏矢志不移事舅姑以孝  
聞教子祥克有成立

申氏尤謙妻 李氏韓賓妻 王氏馬一霄妻 彭氏米  
成祿妻 俱夫亡守節終身

李氏庠生張琳之妻汪氏張彬妻 俱夫亡守節督學趙  
公給匾曰慈蔭雙清

蔡氏府廩生許炳妻年二十四夫亡守節撫遺腹子凌雲  
成立遊庠至六十歲卒

高氏童人文妻年十七于歸逾年夫沒痛欲身殉潛投水  
缸家人救甦乃苟延歲月以奉翁姑迨後翁姑沒日夜  
號泣以致嘔血成疾而亡時年方二十五閭里悲之

汪氏貢生嶼之女也幼嫻姆訓性耽詩書頗饒道韞風年



十八歲適商城縣知縣王啟文弟啟書于歸方兩閱月旋遭黃鵠之悲奉姑守志金石同堅撫育後嗣子孫林立年六十一歲而歿

王氏馬化騏妻年二十三夫亡遺孤之駿方四歲家業艱窘苦志守節奉衰姑曲盡淑水歡閭里以孝聞壽至七十五歲無疾而逝邑令鄧公表其門曰玉潔冰清迄今孫曾繁衍多入邑庠

高氏王言妻家貧從夫就食錦州年二十七夫歿遺子女各一撫孤守志備歷艱辛以女工作苦卒能扶夫柩還葬嫁女娶婦經理有條子死又撫孫至於成立苦節四十餘年現年七十歲

魏氏王文明妻年十九夫歿遺腹生子家甚貧竇敬事二老矢志撫孤歷五十餘年現年七十一歲

李氏王文德妻年二十九夫歿無子繼族侄爲嗣上奉翁姑下撫幼子慈孝兼盡閭里高之現年六十一歲

王氏儒童趙越妻年十九夫亡剪髮毀容立志守節事祖姑及姑朝夕匪懈得以頤養餘年撫長子及遺腹次子成立現年五十一歲

夏氏生員鄭應時妻年二十八夫亡栢舟自誓奉老存孤迨後翁姑相繼沒氏送終盡禮教子成立現年六十一



歲

石氏王偉妻年二十八夫亡矢志守節善事翁姑撫子成立現年七十歲

胡氏邑庠生康賡颺妻和惠原心謹明大義善事公姑年十九夫亡僅留弱息長三歲次未週齡三月之內相繼夭殤氏痛不欲生夫兄庠生康賡虞僅一子情難自禁議爲嗣之氏收泣日子雖無節不可無夫不在姑固在也吾守吾節吾奉吾姑而已安庸嗣子乃堅吾志也爰引針刺目以自誓姑卽救解已毀左目矣迄今守節二十年  
孝姑不衰

張氏陳九經妻年十七夫亡遺一子至七歲又殤氏辛苦守節孝奉孀姑惟依母家存活現今四十三歲已守節二十七年

王氏庠生姚盛猷妻年二十八夫亡無子孝奉孀姑養生送死克盡婦道夫族貧寒不能相顧氏惟辛苦以女工度日炊爨不繼貞操逾厲或謂其自苦答曰吾待死而已他非所知也現年五十二歲已守節二十六年

王氏儒童張品超妻年二十二歲夫故無子家貧惟以紡績奉養翁姑生養死葬克盡婦職後十年始繼夫姪爲嗣教之成立鄉里稱之現年八十三歲



周氏竇以達妻年二十一夫亡無嗣矢志奉養翁姑不衰  
繼夫姪執中爲子執中入縣庠呈母節學憲旌之日苦  
節流芳現年五十一歲

翟氏貢生翟或女也年二十一適生員趙永禧佐夫殯葬  
翁姑哀毀盡禮甫及一載突遭夫殂冰霜自厲志矢栢  
舟丸熊撫孤名列賢序現今年逾五十子德肅邑庠生

傅氏張鱗妻性

具淑于歸後卽以孝敬聞于鄉夫篤疾

歷歲氏湯藥扶持無怨色年二十六歲夫故無子女號  
痛欲殉姑責以守節始抑哀奉老克代子職兩繼夫姪  
俱天乃泣請于翁曰是未亡人福薄殃及嗣子也願後

叔有見且毋謂未亡人母俟與夫同穴時再正繼嗣之  
名俾張族不絕爲佳耳翁姑深其意而許之氏清操益  
勵孝事舅姑撫諸姪一如已出皆有成立現年四十七  
歲

以上盧龍縣

金

王氏義豐縣令李寶信妻值平州軍亂陷於賊賊逼欲污  
之氏罵不從賊怒支解之大定十二年贈貞烈縣君

周氏李伯通妻年十六父母許聘李鄰豪覬氏姿欲賄奪  
之氏以死拒卒歸李後伯通爲豐潤令挈妻子之任元



兵攻豐潤伯通不知所往氏與子易被執不屈自投深  
塹主者怒拔佩劍三刃其體而去得不死攜易至汴繼  
紆自給教易有成

元

董氏任椿妻幼適椿曲盡婦道未三十而椿亡氏砥冰霜  
之操撫育諸孤俱成立元貞三年旌表椿爲南麓先生  
五世孫

明

吳氏王宏妻年未二十夫亡矢志靡他奉姑盡孝訓子有  
成守節數十年言動中禮遠近稱之壽七十餘成化四

年詔旌

謝氏進士高璉妻璉爲臨邑令卒於官氏年僅三十教子  
謙成進士爲鞏昌守孫擢登嘉靖己丑第官至大中丞  
氏年九十餘累封太淑人詔旌節壽

許氏名毓英王侃妻年未二十夫亡遺子蕃在抱稍長氏  
訓以春秋成進士爲御史受封太孺人宏治十四年詔  
旌

余氏戶部員外郎璘女年十七歸陳瑛二載英暴卒無嗣  
氏守志足不履闕事舅姑盡道及歿殯葬中禮或諷使  
改適氏怒號哭成疾不肯服藥死宏治十四年詔旌



永平府志 卷之十九  
尚氏李恕妻年二十七夫亡存遺孤姑憐其少欲奪其志  
使人屢迫之氏持刀斷髮誓必死衆駭愕乃止撫子成  
立里號閨貞

李氏王珏妻夫亡守節嘉靖二十六年郡守張公珙匾旌  
其門

趙氏國學生歐陽玳妻夫亡守節萬歷十四年詔旌

吳氏庠生郝邠妻夫亡守節萬歷十八年詔旌

厲氏王思文妻夫亡守節萬歷十九年詔旌

陳氏李發妻夫亡守節萬歷二十二年詔旌

謝氏國學生高朝妻夫亡守節萬歷三十年奉旌

邱氏左太妻夫亡守節萬歷三十一年奉按院旌

王氏庠生李東妻夫亡守節萬歷三十六年詔旌

劉氏庠生李柱國妻夫亡守節萬歷三十七年奉旌

張氏庠生王許妻夫亡守節萬歷四十年詔旌

郝氏庠生高陞妻夫亡守節萬歷四十五年奉學按兩院  
旌

李氏庠生韓友蘇妻夫亡守節天啟五年詔旌

楊氏庠生王之英妻年未二十夫亡遺孤方數歲氏栢舟

矢志訓子遊太學守節四十年道府旌之

宋氏庠生陳蒙吉妻夫亡守節崇正七年奉旌



寧春姐貧家女年十四生有淑姿獨與母居隣惡覷其母  
他出帶刃強逼且力持之女大呼四隣至惡始奔女哭  
誓曰吾女子被男子手近衣領而語無狀何以生爲竟  
縊死兵憲劉公景耀置惡重典自爲文祭之值暑月啟  
棺改襯女尸如生日不瞑旣灌乃瞑時崇正十年事

國朝

馮氏庠生孟臣極妻明季夫死於難氏伏屍飲血欲與同  
死舅姑力勸撫孤氏長齋奉佛終養二親殯葬盡禮守  
節四十餘年康熙十年 旌表

王氏庠生倫品觀妻夫亡遺孤可宗甫四十二日矢志守  
節孝事舅姑及歿典鬻衣釧殯葬如禮教子遊庠食餼  
康熙三十五年 旌表

倫氏李先期妻夫亡遺孤本立未週歲家貧親老力勤紡  
績以供菽水教子遊庠守節四十七年康熙三十五年  
旌表

李氏彭玉妻爲李自榮逼姦殺死康熙六十一年 旌表  
羅氏李芬妻夫亡事翁姑撫幼子孝慈兼至雍正五年  
旌表

陳氏李棠妻年十七夫亡無子撫侄爲嗣苦節三十餘年  
雍正六年 旌表



王氏吳倬妻夫亡孝事舅姑撫子克昌成立雍正七年

旌表

董氏張清模妻年二十夫亡遺子鎔甫八月紡績以養舅

姑課子入泮苦節四十餘年雍正七年 旌表

郝氏張起鯨妻年十九夫亡無子翁姑衰老繼姪為嗣娶

媳生孫未幾翁姑子媳俱相繼歿氏熒熒子立撫育幼

孫備嘗艱苦年六十歲卒雍正七年 旌表

蕭氏吉謙妻年二十七夫亡翁年八十目失明飲食起居

氏維持周至撫二子有成族有弱女氏為收養擇配尤

人所難能者守節至六十七歲雍正十年 旌表

郝氏任三瑞妻年二十一夫亡翁姑繼歿氏典衣鬻產經

營葬事撫週歲侄成立入泮守節歷五十年雍正十年

旌表

張氏李學孟妻年十九夫亡養親撫孤守節四十三年雍

正十年 旌表

孫氏田疇繼妻年二十二夫亡家貧茶苦自甘撫育前子

訓誨成立入泮守節至六十二歲雍正十二年 旌表

汪氏彭起妻年二十夫亡紡績度日寒暑不輟撫育雙孤

俱克成立入泮守節至六十歲雍正十二年 旌表

李氏馬躬健妻結褵四載年二十六夫故哀痛欲絕事翁



姑朝夕侍養不倦訓子成名乾隆元年 旌表

孫氏王日敬妻年二十七夫亡殯葬翁姑教子成立守節

三十餘年乾隆元年 旌表

劉氏李之齡妻年二十二夫亡姑亦亡氏獨理葬事苦節

五十餘年乾隆元年 旌表

惠氏馮驥妻歸馮二載年二十五夫亡教訓嗣子蜚聲州

學乾隆元年 旌表

王氏生員趙及溥繼妻年二十三夫亡視前子如已出未

娶復沒苦節三十九年乾隆二年 旌表

周氏王栢椿妻夫亡日夜紡績孝事舅姑舅姑相繼亡竭

力葬事撫育子女守節五十餘年乾隆五年 旌表

胡氏李正妻年二十五夫亡盡禮盡哀撫子及孫俱成立

守節六十餘年乾隆五年 旌表

王氏生員裴有瑞妻天性賢淑年二十四夫亡哀毀盡禮

事孀姑撫幼子苦節四十餘年乾隆六年 旌表

魏氏生員王日琦妻年二十九夫亡孝奉祖翁及孀姑典

衣供膳相繼病故喪葬盡禮撫養嗣子成立乾隆九年

旌表

趙氏生員鞠汝捷妻年二十一夫亡勤儉居家義方教子

四十餘年始終如一乾隆九年 旌表



李氏趙大成妻年二十六夫歿姑老子幼紡績營生仰事俯育艱苦備嘗乾隆十一年 旌表

李氏邊元佐妻奉姑至孝夫貿易關外尋歿或勸改適誓死不移命子扶襯歸葬乾隆十一年 旌表

李氏金泰妻年二十三夫亡矢節不移養生送死獨力經營備嘗辛苦五十餘年乾隆十一年 旌表

董氏馬斯祖妻年二十八夫歿孝事翁姑撫幼子口授詩書弱冠遊泮乾隆十一年 旌表

谷氏霍瑞起妻年二十二夫亡紡績孝養公姑憐其少令改適不從欲服毒鄰里救之得免乾隆十二年 旌表

徐氏耿建生妻年二十三夫亡敬事舅姑訓子成立乾隆十六年 旌表

宋氏吳基遠妻舅姑染疾夫亦卧病二子幼一切奉養氏獨任其事治家嚴肅年二十一夫歿訓子成名乾隆十六年 旌表

高氏張義妻年二十二夫亡孝事舅姑獨力經營姑亡人欲奪其志氏將自縊鄰族救之得免乾隆十六年 旌表

周氏趙乘時妻舅姑歿盡禮致哀年二十三夫故截髮矢志身勤紡績不避寒暑乾隆十六年 旌表



倫氏郭翰妻年二十三歸郭一載夫亡飲酒自盡翁姑救  
之復甦教養繼子茹苦自甘乾隆十六年 旌表

史氏周成羽妻年二十七夫亡家貧殯葬盡禮訓子義方  
母弟欲奪其志氏斷左中指以誓乾隆二十年 旌表

張氏袁學惠妻孝事舅姑菽水承歡年二十二夫故自盡  
者再鄰里勸免卒教子成立乾隆二十三年 旌表

陳氏何謙妻家素貧年二十五夫故百計營葬事盡禮致  
哀毀形示志乾隆二十三年 旌表

劉氏許有抱妻年二十一夫亡孝事舅姑身勤紡績教子  
有成乾隆二十四年 旌表

李氏監生杜步章妻年二十三夫亡事翁姑朝夕不怠撫  
育子侄辛苦備至乾隆二十五年 旌表

高氏張禮妻年二十四夫亡竭力營葬教子成立乾隆二  
十七年 旌表

郭氏魯禮妻年二十二菽水承歡盡禮盡志三載夫亡竭  
力撫孤截髮自誓乾隆二十七年 旌表

李氏毛承基妻年二十七結褵未一載夫亡日夜紡績撫  
育繼子不異已出孝養翁姑始終無倦乾隆二十八年

旌表

趙氏庠生子魁份妻年二十二賦性幽閒持躬淑慎夫亡



仰事俯育勤勞不懈乾隆二十八年 旌表

李氏李敷勲妻年二十六夫故孝姑育子克盡其道數年  
子又亡撫孫成立乾隆三十五年 旌表

陳氏營兵張遜妻年二十一夫陣亡日夜紡績撫育遺子  
成立苦節三十三年乾隆三十六年 旌表

戈氏知府高顯臣妻隨夫任雲南遇吳逆之變顯辰殉節  
仰藥死氏亦自經 以下未旌

李氏省察官田國祚妻年二十三夫亡守節數十年勤慎  
自持時脫珥以周親族婚葬順治八年郡守朱公旌之  
聶氏庠生夏輔明妻崇正九年輔明隨叔建中之扶風縣

一 佐任死于流寇家人負骸骨歸氏甫二十歲哭痛欲絕  
五日不食誓以身殉時有六旬孀姑五歲孤子親族責  
以孝養大義氏強起飲食竭力治葬事姑卧病九載日  
夜奉侍未嘗稍懈殯葬如禮苦節四十餘年教子瑚爲  
諸生事母以孝聞郡守張公朝琮旌曰節孝輝映  
李氏楊德斌妻居海陬夫亡冰蘖自勵撫二子暨孫有成  
苦節六十餘年壽九十無疾卒道府旌其門

石氏庠生倫品著妻年二十三夫死氏決志殉夫小祥後  
自備含襚緹纈之屬入室自縊遠近奔視面色如生士  
大夫爭爲詩文以傳其烈



倫氏國學生張掄英妻年二十五夫亡矢節撫孤事舅盡  
孝躬紡績教子成名至七十餘歲卒有司旌之

孟氏舉人白培極繼妻年二十五夫亡矢節撫前妻子景  
易視同已出教次子章以貢仕海豐令康熙三十六年  
恩封太孺人壽至七十餘

焦氏庠生趙琮妻年二十夫亡遺孤謙在襁褓家無斗筲  
之儲貞操自勵教子成立遊庠子旋亡遺孫文蒸幼復  
辛勤撫課遊庠守節五十餘年

孫氏庠生趙玘妻年二十二夫亡無子家業單寒苦節四  
十餘年族人重其貞操爲立廟

王氏李雅妻年二十七夫亡遺孤甚幼矢貞操孝舅姑勤  
儉持家義方教子守節四十餘年

劉氏庠生陳瑋妻瑋遭危疾自知不起謂氏曰家貧爾無  
子可守我死卽他適以圖存氏曰君無慮我不負君也  
瑋死氏吞滷亦死瑋復甦知妻死乃瞑目氏年二十七  
郡守華公黃輓以詩張公朝琮旌曰真情大義

王氏趙應泰妻年十七夫亡或勸之嫁不從以無子恐之  
氏曰姑吾母也吾善事而依之復何憂後二十年繼一  
子視如已出或勸與伯兄異產氏曰兄弟分家吾素鄙  
之吾雖婦人不爲是也



蔣氏謝崑妻年十八夫亡無子矢志靡他甘貧勵節夫兄  
有疾不能持家氏力任勤勞悉索典質毫無吝色苦節  
三十餘年同居雍睦內外無間

楊氏袁侑妻年三十夫亡無子矢志守節繼姪學仲爲嗣  
上事舅姑下撫幼子茹荼集蓼曲盡孝養親歿殯葬如  
禮娶婦錢氏學仲亡生遺腹孫亦天兩孀相依袁祀幾  
絕又繼族姪學商爲子以商子爲孫四十餘年備嘗艱  
苦

吳氏郭運升妻年二十八夫亡呼天搶地自殘其軀苦節  
五十餘年足不踰閭伯階升僅一子憐其節而嗣之生  
五孫康熙戊子仲孫倫登鄉薦

以上灤州

明

許氏進士魏琮 孫樟妻年二十夫亡時太姑劉氏在堂  
年八旬兩孤幼氏安貧矢志紡績以事太姑教子有成  
孀居五十餘年有司獎之

吳氏楊彪妻年二十五夫亡欲以死殉念姑老家貧無倚  
矢志守節紡績以奉教子孫並爲弟子員年八十餘卒  
丁氏王儉妻年二十夫亡堅貞苦節子之義之孚之砥鄉  
稱孝友孫士選任薊州訓導撫按旌曰母節子賢



郭氏任佑妻年十七夫亡艱辛守節六十餘年撫孤成立  
撫按旌其門

譚氏建昌營舍人李堂妻年二十夫亡撫遺腹子堅志守  
節年八十餘卒有司旌之

沈氏李伋妻年二十二夫亡撫遺腹子幾為諸生年七十  
餘卒

李氏建昌營軍餘周維屏妻年二十夫亡遺孤週歲或憐  
其少勸之他適氏以死拒守節終身不易

徐氏馬傑妻年二十八夫亡守節撫兩孤仲子玉授錦衣  
百戶

陳氏興州衛百戶李承恩妻婚三年生子國棟夫亡守節  
事舅姑生養死葬如禮為兩叔擇配成家教子以義方  
比長服官有過必撻雖至親終身不出見

紀氏興州衛指揮魏一清妻無子勸夫納妾清不許氏強  
納三妾各生子清亡子俱襁褓氏與三妾誓同撫孤保  
愛如已出長子如樞襲世職次子如楹庠生季如桐舉  
人守節三十餘年勤儉慈睦人無間言撫按旌曰節義  
雙全

石氏張騰妻少寡無子孀居七十年始終一節壽九十卒  
邑宰馬仁旌曰天壽貞節



李氏忠義衛軍餘王天祿繼室祿先娶馬氏不育乃納妾徐氏生子塔馬亡祿不欲更娶徐勸曰中饋可任之蘋藻非嫡誰主乎因娶李氏年二十夫亡生遺腹子焯舅姑憐之命再適日子妻也有死靡他徐曰吾雖妾豈適二夫哉攜手悲慟同心守節訓二子勤織紵以供朝夕二子皆成立道府旌其門

彭氏興州衛百戶勝汝捷妻年十九夫亡家貧無子繼侄承嗣紡績度日不出戶庭殯葬舅姑哀慟踰禮嘗曰丈夫託我何敢忘之事聞按院題請詔旌年八十餘卒

吳氏興州衛武狀元陸萬鍾妻年二十夫亡無子孝事舅姑守節五十餘年

周氏三屯營軍韓金妻金隨征古北口陣亡無子氏年三十終身守節以女紅自養有司旌之

杜氏建昌營軍餘張源妻夫亡無子堅貞矢節至六十歲卒

周氏庠生馬璽妻璽疾革與訣氏許以身殉及卒屢欲自盡家人百方解勸氏佯諾理喪事如常乘間投繯死年二十二詔旌

張氏榆木嶺軍孫忠妻年二十一歸忠甫三月夫貧且病竭力奉湯藥日夜不怠及亡潛縊以殉



仇氏興州衛百戶沈鳳妻鳳守剗車嶺寨兵亂氏被擄將  
汚之不從遂支解死

馬氏庠生何秉善妻冷口兵亂被執上馬至青龍河躍入  
水中死縣建貞烈坊

陳氏三屯營高貴妻賦性堅貞隣有逼而汚之者事迫赴  
井死總理戚繼光立石井旁題曰全節井

楊氏貢生韓范繼室年二十餘適范居數載夫亡氏號啼  
幾絕欲自盡家人守之乘間縊柩前家人覺而救之既  
葬飲鴆而死

徐氏楊茂華妻明季夫歿於兵氏聞夫死卽自縊隣婦救  
之至次晚以柴草塞門牖放火自焚詔旌縣建節烈坊  
石氏兵部左侍郎郭鞏側室崇正庚午城陷自縊死建坊  
旌表

國朝

張氏馬成妻爲山東民張九林逼姦不從被踢身死雍正

二年旌表

張氏旗人李懷德妻二十八歲守節恩勤撫孤訓課嚴而  
有方長子繼夏中丁卯副榜乾隆四年旌表

于氏馮良棟妻年十九孀居矢志靡他苦守四十餘年乾  
隆四年旌表



毛氏明光祿寺卿徐雲達側室生子元修甫八歲光祿逝  
世氏矢志撫孤勤儉持家苦節四十餘年壽至八旬順  
治中邑宰王永命旌曰大節維風 以下未旌

耿氏庠生徐元修妻年二十夫亡遺孤權甫二歲氏矢節  
事姑四十年如一日撫權爲諸生

李氏庠生劉文舉妻年二十八夫亡室如懸磬績紡汲炊  
孝事孀姑撫遺腹子爲諸生苦節五十餘年

燕氏楊烟濱妻年二十九夫亡守節安貧躬事紡績撫子  
其盛爲諸生壽至九旬卒

程氏郡庠生羅之龍妻明山東兵備叅議大猷女也夫亡  
無子繼姪爲嗣撫愛如已出甘貧堅守節操凜然

劉氏庠生魏燦妻年二十夫亡家貧無子堅志守節事孀  
姑撫三女苦節五十餘年壽七十餘卒

雷氏彭光烈妻年二十三夫亡守節訓育前室二子康熙  
五十五年其子不昧拾金人稱荻訓

余氏魏高登妻年十九夫亡事孀姑撫幼子甘貧苦節垂  
四十年

侯氏庠生王弼妻年二十夫亡遺孤昌緒生甫數月氏堅  
志守節孝事舅姑撫昌緒遊泮苦節三十餘年

朱氏庠生劉光珂繼妻婚數月夫亡事衰老舅姑撫前室



幼子備極孝慈堅志守節不歸寧者二十年子聚星爲諸生

陽氏楊國琦妻年三十夫亡績紡度日孝事舅姑訓子育和爲諸生堅節苦守四十餘年

米氏庠生王鼎新妻劉氏庠生王恒新妻徐氏王履新妻兄弟相繼早亡一門三孀各撫幼孤共勵守節有司旌之

張氏馬空羣妻年二十餘夫亡遺兩孤俱幼矢節甘貧女紅自給撫二子成立苦節四十餘年

孫氏王繼衛妻年二十八夫亡撫二孤矢志靡他有司旌之

李氏庠生韓儒妻年二十夫亡撫二幼孤矢節甘貧有司旌之

徐氏翁照民妻夫亡孝事舅姑苦節三十餘年

丁氏張一本妻年二十四夫亡遺孤未週歲氏孝事舅姑撫子及孫遊泮守節五十餘年

魏氏庠生楊敏學妻年二十夫亡孝舅姑和妯娌撫數月遺孤教誨成立恪恭矢節始終不渝

蔡氏庠生王瑞妻年十九夫亡孝事孀姑撫繼子成立守節三十八年備嘗艱苦



李氏方沛妻年二十七夫亡遺三幼孤家貧無倚氏矢志茹荼撫育成立苦守三十五年

楊氏武天錫妻孝事舅姑夫亡守節勤儉持家訓二子為諸生守節三十餘年

湯氏庠生張璠妻年二十夫亡守節孝事舅姑撫遺腹子崇一遊庠苦節四十餘年

蔡氏庠生徐薺妻年二十九夫亡守節孝事孀姑撫週歲孤佩荃遊庠苦節三十年

李氏王建極妻年少夫亡矢志守節孝慈兩盡汪氏庠生王會極妻二十五歲夫亡撫孤志章成立入庠

彭氏郭子旬妻年二十五夫亡端貞勵節四十年如一日

高氏于鴻緒妻年二十五夫亡孝養舅姑竭力殯葬撫孤成人

金氏庠生郭謙亨妻青年夫亡守節逾三十年奉姑育子慈孝兩全

張氏王三錫妻二十二歲夫亡奉老撫幼艱辛備歷

寧氏李溫妻年少孀居撫孤成人節操無玷沈氏庠生張元妻二十四歲夫亡敬事舅姑撫繼子如已出

宋氏侯燦妻年少孀居親老子幼養生送死竭力盡心



王氏虞光堯妻年少守節孝事孀姑撫孤成立

王氏石光秀妻年二十八夫亡孝養衰姑撫遺腹子瑾日

勤訓誠名列膠庠

李氏庠生張逢辰妻二十三歲夫亡孝養舅姑殯葬盡禮

撫姪爲嗣

郭氏劉昇妻二十四歲夫亡孝事孀姑歷久無怠撫養孤

子身中痼疾苦節愈勵

呂氏段太貴妻二十九歲夫亡孝親養孤克盡婦道

尹氏郭子裔妻年二十夫亡撫孤成立苦節三十餘年

高氏范學乾妻年二十一夫亡孝慈克全節操無玷

張氏庠生李俊妻青年守節白髮全貞

丁氏劉漢章妻年二十五守節事孀姑撫幼子婦道無虧

劉氏王承先妻年二十二守節敬順翁姑訓育繼子繼整

入庠食餼

張氏庠生凌漸磐妻年二十五夫亡孤子未成立而天守

節不變

楊氏劉懷妻少年守節順事公姑撫繼子成立

翟氏李法德妻二十三歲夫亡竭力孝親始終盡禮撫遺

腹子入泮

何氏王育民妻年二十三夫亡事舅姑撫幼子慈孝兩全



徐氏翰林院庶吉士崔璨繼室年二十九夫亡撫前妻子如已出

凌氏謝理妻年二十五夫亡甘貧勵節撫孤成立  
李氏郭祚顯妻年二十二夫亡敬事公姑始終不倦教育孤子郭昇成立入庠

田氏王養民妻年二十守節養老撫幼婦道無虧

王氏李成枝妻年二十八夫亡孝養翁姑撫育繼子人無間言

魏氏王三省妻年十八夫亡撫嗣子如已出敬順翁姑始終不渝

劉氏魏璽妻年二十四夫亡矢志不移孝事翁姑撫姪爲

嗣一如已子

杜氏楊洪謨妻二十六歲夫亡撫育幼孤成立

李氏楊允吉妻年二十二夫與長子俱遭虎傷撫次子成立備歷艱辛

何氏李英妻年二十七夫亡撫育幼孤教訓成人

王氏楊明義妻年二十六夫亡孝孀姑撫孤子子又亡撫姪孫嗣其子厥操益堅

梁氏張定一妻年二十五夫亡撫二孤成人歷盡窮苦

張氏許登榮妻年二十七夫亡孝養公姑撫前室子煥章



永平府志 卷之十九  
成人入庠

韋氏李承業妻年二十六夫亡甘貧守節孝事孀姑撫孤

成立

邵氏李振業妻年二十七夫亡孝姑育子始終一節

李氏凌兆吉妻年二十七夫亡甘貧苦撫幼孤家業不墜

李氏余傑妻年二十九夫亡撫孤成人貞節無玷

季氏李成義妻年二十七夫亡守節孝親育孤克全婦道

雷氏吳中憲妻年二十八夫亡孝養翁姑殯葬盡禮教子

成名

郭氏張從美妻年二十夫亡無子與孀王氏同奉翁姑共

勵苦節

王氏張從吉妻年二十七夫亡事舅姑始終不怠撫繼子

天殤堅守不渝

曹氏朱之貴妻年二十守節撫遺腹子成立艱苦備嘗

甯氏賈琮妻年二十七夫亡孝事翁姑撫兩孤成立

武氏庠生馬松齡妻年二十守節孝事公姑撫育繼子恩

勤倍至

蘇氏劉體敏妻年二十三夫亡事親育子克承夫志

白氏崔維毅妻年二十五夫亡奉養公姑訓子成人

楊氏張貞妻年十八夫亡貧苦竭力養翁姑撫遺腹子訓



育成家

彭氏宋周秋妻年二十夫亡無子守節孝事孀姑姑死夫兄欲奪其志氏堅拒之過族姪為嗣辛苦備嘗

樊氏李本裕妻年二十六夫亡無子人誘之出嫁氏以白刃自誓過從姪為嗣孝事舅姑生養死葬簪環盡鬻

胡氏陳仲會妻年三十夫亡家貧子佐亦亡撫幼孫德元教訓成人壽八十八歲

劉氏晏邦弼妻年二十五夫亡孝事翁姑過姪為嗣志節彌堅

張氏方桓妻年二十七夫亡無子矢志栢舟撫嗣子煜訓

課遊泮督學旌其門

張氏李廷貴妻二十四歲夫亡守節白首完操

姚氏王顯魁妻年三十夫亡守節撫訓幼子遊泮

楊氏馬祖謙妻年二十六夫亡家貧如洗守節終身

李氏劉溥妻年二十三守節孝事舅姑數十年無怠色撫

幼子繩祖成名任永新縣 勅贈孺人

陽氏楊文脩妻年二十九守節撫幼子錦訓課遊泮後亡

媳李氏年二十八甘貧守志姑媳紡績度日訓育兩孫

次孫作棟入庠本府旌其門曰一門雙節

王氏張玠妻年二十三守節撫繼子如親生白首完貞清



永平府志 卷之十九  
操無玷

潘氏蔡洪業妻二十歲守節撫孤成立歷數十年冰霜益勵

馬氏傅宗孔妻年二十五守節事舅姑撫幼子仰事俯畜兩無遺憾

張氏艾爾英妻二十六歲守節績紡度日撫週歲孤子成立壽至八十

白氏韋彥妻年二十九守節孝養翁姑撫孤體泰讀書入庠縣令旌其門後體泰亦亡媳郭氏年二十勵志守節訓育幼孫作德遊泮人稱一門雙節

李氏魏理妻十八歲夫亡無子矢志守節孝敬公姑撫姪文選爲嗣天亡又撫次姪文擢訓育彌篤食餼府庠劉氏庠生徐純妻二十六歲守節績紡度日撫週歲孤子成立壽八十一歲

韋氏庠生烏方昇繼室三十四歲守節其姑病卧八載氏孝事歷久彌篤撫前室子憲章恩勤如已出兼撫孤姪龍章教養無異俱入膠庠鄉人稱孝慈焉

甯氏張洪盤妻二十二歲守節女紅度日撫幼孤璘成立入庠縣旌其門

裴氏王建勳妻二十四歲守節家貧如洗日勤績紡撫幼



孤際與成立遊泮

彭氏余謙妻二十五歲守節家貧無子矢志不移族人憐之繼從姪爲嗣歷三十餘年如一日

魏氏武生李桐妻年二十九夫亡守節撫育遺孤訓課成立瑞麟兆麟俱列府庠

張氏李之賓妻二十歲夫亡守節撫遺腹子作霖入庠而天氏矢志更堅媳婦華氏亦勵節事姑同甘荼苦鄉人憐而重之

劉氏張宏業妻二十五歲夫亡矢志立節撫未歲孤子訓課成立

魏氏張鍾妻年二十八夫亡守節家貧無子撫姪爲嗣教

養成入

楊氏羅萬枝妻年二十一守節撫兩歲孤子教養成入

孟氏馬巽妻年二十二而寡是時氏痛甚欲自經其姑謂

之曰新婦有子在乃欲從之死使不幸而無成是再死

其夫也且新婦素知書死易立孤難而忘諸乎氏乃強

飲食苦節自貞朝夕之需大抵從十指出其辛勤有人

所不能堪者先後持姑舅喪有加禮及娶媳生孫而子

與媳又相繼亡撫孫成立以善稱鄉里氏本儒家女幼

能詩及稱未亡人遂絕弗爲著有居家二十則遠近傳



永平府志 卷之十九 節烈  
以為法邑令馬人以冰玉松筠表其間

杜氏許聘董某未娶而董歿女欲從其母唁之不許引剪  
自刺母不得已偕之往至則哭拜如禮願留以事姑曲  
盡婦道縣令靳榮藩旌之以額鄉人醵錢為置腴田以  
贍之現年四十餘歲

以上遷安縣

明

高氏金禧妻年二十五夫亡子鏞方二歲矢志撫孤舅姑  
憐其少欲奪其志人有慕其姿者爭求之氏夜閉戶窗  
以艾灼面及覺毀窻人救面灼成瘡矣勤女紅課鏞讀

書官光祿寺署正封氏太孺人年九十終詔旌

王氏喬潤妻年二十六夫亡子嵩在抱氏以節自持撫子  
為明經官山東長山知縣詔旌

李氏姚斌妻年二十七夫亡子政在襁褓中誓不他適紡  
績供政讀書領永樂丁酉鄉薦累官兩浙鹽運使詔旌  
以子貴贈太宜人

王氏翟昊妻年二十五夫亡子鵬方三歲矢節自守閉門  
紡績課鵬讀書雖至親不面鵬登正德戊辰進士授戶  
部主事詔旌以子貴贈太宜人

劉氏庠生許俊妻年二十四夫亡遺孤幼弱勤女紅撫之



成立年八十卒人無間言詔旌

李氏金龜妻年二十八夫亡無子貞節自勵誓不他適與  
舅妾張氏劉氏同守節衣食屢乏節操愈堅詔旌一門

三節

華氏撫寧衛軍餘華壽女母潘氏年二十五壽告回原籍  
取軍裝去無消息時女方五歲母曰夫去不回女勿無  
靠我將何之誓守此女貧苦不恤及女稍長母欲議婚  
女曰母爲我守我安忍離母哉亦誓與母共甘苦如是  
者幾四十年母故遂柩母於床側其節益勵破屋半間  
風雨不蔽衣食常缺惟閉戶念佛而已至萬歷七年病

卒年六十餘矣鄰里感之爲助棺舉葬焉知縣徐

上其事詔旌其門爲貞守之門

王氏庠生王堯相妻年二十一夫亡晝夜號泣勺水不

口姑以姑老子幼諭之乃毀容截髮勉事鞠育姑病

飲食扶掖曲盡孝道及卒祭葬如禮紡績訓子二十九

年如一日萬歷戊子子調元領鄉薦直指劉公思誨具

題旌表

朱氏李鶴年妻年二十六夫亡守節撫孤天培成名壽八

十六卒

范氏任子孝妻年二十七夫亡茹荼飲蘖矢節七十年



九十七卒

惠氏州同郭朝元妻年二十九夫亡守節撫孤遊庠

賈氏楊枝盛妻年二十四夫亡守節撫孤遊庠

周氏温應學妻年二十四夫亡守節撫孤成立

祝氏都司陳復先妻夫亡守節撫孤成立

惠氏茹英妻年十九夫亡無子撫繼姪苦守四十九年

傅氏庠生王有慶妻年二十七夫亡守節撫孤遊庠壽九

十卒

徐氏庠生傅大成妻年二十七夫亡守節撫三子俱遊庠

張氏庠生蕭春育妻夫亡守節撫孤成立

畢氏庠生蕭奇幹妻夫亡守節撫孤遊庠

楊氏庠生鍾朝傑妻年二十七夫亡守節撫孤遊庠

董氏王隆明妻年二十七夫亡守節撫孤遊庠

楊氏李守敬妻年二十四夫亡守節撫孤成立

魯氏劉天學妻夫亡孝事舅姑守節終身

正妻夫亡守節撫孤成立壽八十卒

三卒

王氏署渭南令蕭葦妻年二十四夫亡守節撫孤成立

旌表

德氏庠生茹春芳妻年二十七夫亡三孤方幼撫訓成立



仲良翰遊庠食餼守節垂六十年題誌 旌表

陳氏校尉楊鳳鳴妻年二十五夫亡勵節苦守撫孤成立  
至七十歲卒題請 旌表

陸氏庠生王紹先妻年二十一夫亡無子決志殉夫家人  
防之甚密後稍疎遂自縊康熙二十年 旌表

齊氏趙文炳妻年二十一夫亡無子孝事孀姑以禮自衛  
撫夫弟以續宗祀守節三十餘年康熙五十三年 旌表

曹氏孫胤蕃妻年二十五夫亡守節紡績  
入泮雍正二年 旌表

趙氏郝明揚妻善事舅姑夫亡後孝敬彌篤娶婦馮氏亦  
能執婦道子早亡姑婦相依守志俱以節孝著雍正五  
年 旌表

張氏俞承恩妻夫貧就食關外氏事孀姑無缺禮年二十  
六夫亡姑亦尋歿氏攜孤子負土為墳母家勸之改適  
終身未嘗歸寧守節至六十三歲雍正十年 旌表

祖氏劉成柱妻年二十七夫亡事姑委曲承順撫姪娶媳  
婦亡口哺孤孫成立守節至六十六歲雍正十年 旌  
表

王氏庠生張希閔妻年二十四夫亡遺孤週歲氏矢節孝



事舅姑養生送死婦道克盡撫孤至五歲殤繼族孫為嗣貧苦煢煢皎然勁節乾隆三年 旌表

池氏張廷洪妻年二十一夫亡矢節不移力勤織紡乾隆三年 旌表

王氏孫文正妻 李氏王三錫妻 張氏謝琦妻 茹氏

胡連妻 蕭氏生員單鈔妻 賀氏劉深妻 鄭氏生

員單銓妻 俱夫亡守節乾隆三年 旌表

張氏幼失怙恃依孀孀扶養受聘謝門艱難困苦恪守閨訓氏姑因其子英久出不歸令氏改適氏誓死不從後聞夫病故於外立志歸夫家守貞盡孝事姑善處妯娌

立嗣承祧以紡績度日於乾隆三年 旌表

王氏胡宇仁妻夫亡守節乾隆四年 旌表

姜氏李尙亮妻 田氏李蕃妻 俱夫亡守節乾隆六年

旌表

李氏王基勇妻夫亡守節乾隆七年 旌表

李氏趙憲妻夫亡守節乾隆九年 旌表

程氏解朝佐妻 姬氏楊天純妻 金氏楊名妻 袁氏

單從新妻 徐氏方明妻 俱夫亡守節乾隆十三年

旌表

趙氏李獻方妻 夏氏王崙妻 俱夫亡守節乾隆十六

旌表



永平府志 卷之十九 節烈  
年 旌表

王氏庠生翟琪妻年二十四夫亡遺孤三歲欲以身殉舅  
姑勉以撫孤大義乃止家貧紡績以供菽水苦節五十  
餘年教子遊庠食餼乾隆十六年 旌表

孫氏趙秀齡妻 馮氏安文傑妻 俱夫亡守節乾隆二  
十二年 旌表

李氏張起雲妻 程氏吳從義妻 俱夫亡守節乾隆二  
十四年 旌表

周氏楊旺妻夫亡守節乾隆二十六年 旌表  
趙氏崔國良妻夫亡守節乾隆二十九年 旌表

郭氏張明德妻夫亡守節乾隆三十二年 旌表

高氏進士田國足妻年二十七夫亡守節孝事舅姑撫孤  
遊泮 以下未旌

樂氏馬承爵妻年二十一夫亡遺孤在抱孝事孀姑撫子  
成立

張氏庠生田如梁妻年十九夫亡守節撫孤遊泮  
王氏楊會妻年二十二夫亡遺孤在哺苦守成立

楊氏張國仕妻年二十二夫亡守節遺孤三歲撫教成立  
田氏庠生陳斯文妻年二十五夫亡守節撫子成立苦守

六十餘年



夏氏庠生邱行三妻夫亡子女俱無守柩四十餘年卒親族爲之合葬

惠氏庠生茹良翰妻年二十七夫亡守節至八十歲卒

楊氏朱廷佐妻年二十四夫亡守節撫孤五十餘年一作臨榆

張氏羅士儉妻 黨氏惠應徵妻 黃氏焦朝卿妻 賀

氏孫承宗妻 劉氏楊鳳翼妻 陳氏庠生馮永清妻

趙氏庠生楊毓英妻 郭氏鄭起鵬妻 惠氏祝之彥

妻 劉氏高廷桂妻 楊氏庠生張之忠妻 董氏齊

步瀛妻 趙氏齊應聘妻 俱夫亡守節撫孤成立

惠氏傅稟成妻年二十八夫亡無子守節至八十餘歲卒

張氏總旗田芳顯妻年二十夫亡無子守節六十餘年

傅氏賈一麟妻年二十夫亡子女俱無守節四十餘年

任氏庠生唐之魁妻年二十夫亡守節四十餘年

翟氏庠生王輔妻年二十夫亡守節三十餘年

孫氏陳天祿妻夫亡舅姑憐其少而無子命改適不從自

縊死

陳氏單勉行妻年二十三夫亡撫孤守節至八十餘歲

楊氏庠生陳鴻策側室夫與嫡俱亡已無子女守柩十餘

年窮餓不悔苦節終身

鄒氏楊克禮妻年二十夫亡無子堅志守節至八十餘歲



馬氏庠生金啟成妻年二十七夫亡無子守節孝事舅姑族人憐之繼姪爲嗣

張氏王一元妻年十九夫亡家貧姑老子未週歲苦守五十餘年

張氏王晏妻夫亡遺孤振祖甫週歲矢節撫孤娶祖氏生子甫週歲振祖又亡氏與子婦勵節苦守撫孫成立

陳氏庠生高科妻年二十四夫亡子在抱撫教遊庠苦節五十餘年

趙氏王址妻年二十五夫亡矢節苦守三十六年  
楊氏劉忠妻年二十五夫亡守節撫孤成立教孫遊庠

節五十年

王氏庠生劉振興妻年十九夫亡遺孤廷瑚生甫月餘與祖姑皆寡三世僅恃一綫氏仰事俯育備嘗艱苦姑與祖姑相繼歿竭蹶殯葬如禮苦節三十餘年教子遊庠郡守張公朝琮旌曰節孝無雙

高氏武舉蕭箕妻年十八夫亡遺孤週歲甘貧勵節孝事繼姑撫子成家孫遊泮

魯氏李九齡妻年二十三夫亡遺孤週歲舅姑早世祖姑憐其少命改適誓死不從甘貧勵節炊烟常斷曾絕食六日戚黨憐而周之苦節四十餘年撫孤成立



王氏侯胤祥妻年十九夫亡遺孤甫數月舅姑衰老慨然以事親撫孤爲己任日操井日夜勤紡績五十年如一日親歿喪葬如禮撫子成家

余氏庠生張慶彩妻年二十歲夫被盜傷兩孤幼氏艱辛撫育比長兩子又亡守遺孫紡績以給勁節自持

齊氏王筠妻年二十夫亡兩孤在抱氏矢節事姑衣食弗充辛勤織紡撫子力穡成家苦守完節

韓氏傅廸妻年二十五夫亡家貧子幼矢節不渝苦守節十餘年

李氏張自春妻年二十九夫亡守節三十餘年

張氏國學生王煌妻煌隨父之任莊浪病故氏年二十一

聞訃號哭幾不欲生姑勸之曰死節何若守節繼姪基豐爲嗣竭力盡孝教子遊庠食餼

王氏庠生董悉悅妻年二十一夫亡遺兩孤幼氏矢節事姑克嫻禮讓教子遊庠苦守三十餘年

平氏平自得女年十八待字隣人趙某窺其姿強暴橫加繼母與女志趨不合每爲趙地女度不免潛以線縫衣

上下如織投繯趙門首時康熙三十六年五月當事受賄剖腹驗孕以肚爲胎衣誣女已失節竟寬趙罪士論寃之葬秦皇島立石勒詩郡守張公朝琮旌日光耀日



星

郭三姐郭大福女年十八未字一日父母與兄他出惟嫂與女居日晡女往田間取菜隣惡王德成勒女于北山萬松中強逼不從毆踢幾死復縊之樹上是夕風雷大作學博宋琰署邑篆廉凶寘重典郡守張公朝琮旌曰坤元正氣

戴氏庠生諸大益妻年二十六夫亡守節三十餘年

李氏薛璠妻年二十九夫亡矢志撫孤勤儉持家守節二十八年

傅氏江南壽春營副總兵尙謙女也適國學生羅國珍姑

宋氏自二十九歲守節氏孝事維謹年二十五國珍亡

二子幼氏與姑相依爲命矢志撫孤力勤機杼教子爲諸生郡守張公朝琮旌曰一門雙節

劉氏石朝佐妻年二十夫亡守節四十餘年

孫氏李璇妻年二十三夫亡守節四十餘年

趙氏李元成妻賦性端嚴不苟言笑夫亡遺子女各二俱幼氏矢節勤苦日親農事夜自紡績並日而食毫無戚容隣有周恤之者辭弗受教子習農樵完婚嫁課孫讀書苦節四十餘年

高氏溫吉翰妻年十九夫亡遺孤襁褓撫教成立守節垂



五十年

郭氏庠生馬襄妻年二十二夫亡遺兩孤幼矢節苦守教子成立仲遊庠

朱氏王果妻年二十六夫亡遺兩孤幼矢節不渝孝事舅姑力勤機杼教子義方

張氏劉從新妻年二十四夫亡遺孤三歲甘貧守節孝事孀姑撫子成立

王氏羅名世妻羅兩世同居舅姑叔嬸在堂家素寒名世謀食他鄉數載一歸氏罄粧資以供甘旨姑病竭力奉湯藥及歿舅娶繼姑嬸又歿叔娶繼嬸氏歷事四姑恪

執婦道年二十八夫故他鄉遺三孤俱幼舅年老而家愈貧氏慨然以仰事俯育爲己任身受饑寒力勤紡績撫二子成立仲瑄爲庠生守節三十年

劉氏張懷遠妻夫亡守節乾隆十一年督學給匾旌之  
黃氏李文熙妻 惠氏俞標妻 俱夫亡守節乾隆二十一年督學給匾旌之

徐氏聶思義妻 李氏王可量妻 俱夫亡守節乾隆二十三年督學給匾旌之

李氏王楨妻夫亡守節乾隆二十四年督學給匾旌之

馮氏生員王楫妻夫亡守節乾隆二十六年督學給匾旌



之

劉氏李如蘭妻夫亡守節乾隆二十八年督學給匾旌之

賁氏祖良玉妻 高氏祖馨妻 劉氏單正心妻 俱夫

亡守節乾隆三十一年督學給匾旌之

陳氏張選妻 李氏生員王國勳妻 俱夫亡守節乾隆

三十五年督學給匾旌之

陳氏王有容妻年二十二夫亡事姑至孝姑患瘡疾醫治

罔效氏靜夜焚祝割臂肉奉姑瘡旋愈人以孝稱縣令

陳鍾琛給匾旌之

劉氏孫尚勇妻夫外出謀食氏侍孀姑能養能敬姑患病

調治不效氏焚香默禱割胸肉一片作餅餠以奉姑不

數日病隨愈鄉隣公舉孝行縣令陳鍾琛給匾旌之

附載

以上撫寧縣



永平府志卷之二十

人物志六

節烈

下

元

王氏李賢卿妻年十八夫故誓不他適紡績以養舅姑始終人無間言至正十五年旌表

明

劉氏白瑛繼室年二十夫亡撫前室兩歲子視如已出紡績奉姑始終無二詔旌

汪氏教諭大紳女也適張湖湖歿氏年二十一自知子嫠



難以存立乃將已產盡遺張族就食母家五十餘年清節著聞

李氏郭宗愚妻年二十五夫亡守節撫孤子紡績以資衣食至九十卒

李氏庠生郭然妻年二十五夫亡守節撫一子一女歷盡艱難至九十卒

王氏齊道妻年二十一夫亡誓不再嫁勤紡績奉姑嫜藐孤宗堯甫一歲撫而教之及長任河東都運

趙氏庠生王尙賓妻年二十五夫亡撫二女清白苦守始終如一

王氏上元主簿張鼎妾昴卒於任氏年十九偕嫡齊氏子國祥扶襯還里族人欲奪其志自縊至再七日不飲食知不可奪乃止撫祥成立出仕氏年七十卒縣官爲之請旌

李氏王訥妻年二十六夫亡守節至八十七卒

李氏省察官蘇學顏妻年二十九夫亡守節至五十七卒

王氏谷鍾妻年二十夫亡誓以死從親屬勸不能解防少疏遂縊死詔旌

齊氏庠生張至臨妻少寡守節敬事舅姑以壽終

朱氏張瑩然繼妻夫亡氏幼無所出撫前妻子備歷艱辛



終無二志長子仕季遊庠有司旌之

劉氏庠生趙裴然妻年二十九夫亡守節紡績茹荼孝養  
舅姑教子有成壽九十六終

張氏高世俊妻李氏高世龍妻兄弟偕亡無子妯娌共誓  
守節俱至六十餘歲

張氏庠生宋文耀妻不育納側室尤氏生二子尤年二十  
一夫亡兩孤在抱與嫡矢志同守家業賴以不墜撫子  
景光景瑗俱遊庠邑宰旌曰雙節冠世

國朝

張氏吉安郡丞齊士斌妻年二十四夫亡無所出撫前妻

子親愛彌篤內外無間題請 旌表

汪氏齊士良妻幼寡砥節苦守撫孤遊庠題請 旌表

朱氏庠生張我見妻夫亡守節撫孤遊庠題請 旌表

白氏進士李雲起妻雲起任黎城令死於寇氏年二十無  
子矢志事舅姑生養死葬紡績自給題請 旌表

郭氏苟鶴程妻夫避兵遇盜死氏年少無子矢志靡他題  
請 旌表

曹氏庠生張是達妻夫亡無子砥志守節勤儉自給題請  
旌表

趙氏庠生張敬宸妻年二十二夫亡遺孤甫三月矢志靡



他歷三十年始終如一題請旌表

田氏齊士敏妻年少夫亡家貧子幼矢志守紡績以給

撫長子遊庠餘俱成立題請旌表

黨氏國學生齊士望繼妻夫亡矢志守節撫孤成立題請旌

表

黃氏張鳴鳳妻夫亡遺孤甫三歲矢志守節貧苦自甘至

八十歲題請旌表

馮氏庠生田生瑞妻年二十餘夫亡遺孤甫三歲矢志靡

他舅姑耄老孝敬弗衰苦節三十餘年人無間言題請

旌表

張氏田鵬妻年二十七夫亡遺兩孤長甫三歲次生二月

甘貧矢志織紵奉姑教長子克昌遊泮苦節三十六年

題請旌表

常氏庠生李位妻年二十六夫亡家貧無子繼族姪紹祖

為嗣教之遊泮沒年八十四歲題請旌表

孟氏馬用德妻年十八夫亡遺孤甫二歲矢志守節事舅姑勤

紡績苦守三十餘年題請旌表

才氏劉朝宗妻年二十九夫亡遺孤未週歲矢志靡他孝

事孀姑撫子成立守節四十六年題請旌表

張氏萬斯屬妻夫亡氏守志安貧誓不他適紡績以資衣



食初終如一題請 旌表

賀氏邑增生邱爾珠妻夫亡撫遺腹子集蓼茹荼以奉舅  
姑幾四十年題請 旌表

馬氏萬之全妻夫亡氏青年矢志白首全貞題請 旌表

馬氏宋梯雲妻年十六歸宋逾年舅往秦絕耗姑旋歿又  
一年夫亡無子祖翁景時曾任青陽令年老不能動履  
氏力供甘旨曲爲護持撫繼姪天又繼承嗣矢志節三十  
九年康熙五十二年 旌表

劉氏盛治妻年十九夫亡堅貞自矢志事舅姑送死養生  
盡禮無愆勤儉持家時出紡績餘資以周親族繼姪大

表  
經爲嗣撫育教誨守節三十七年康熙五十一年 旌

高氏田發啟妻自十九歲于歸孝事翁姑四載夫故甘貧  
茹苦教子有方乾隆元年 旌表

郝氏庠生郝良英女歸庠生荀毅爲繼室年二十四夫亡  
栢舟矢志紡績自供奉孀姑而甘旨無虧撫幼孤而教  
養並至乾隆元年 旌表

羅氏處士齊用極妻持躬淑慎秉性幽嫻二十三歲夫亡  
矢志靡他撫孤成立乾隆十一年 旌表

朱氏貢生劉寅妻二十八歲夫亡青年守志白髮完貞乾



隆十三年 旌表

劉氏處士馬德衆妻年二十三夫故子甫七月家徒四壁  
矢志靡他侍病姑晝夜罔懈撫穉子教養有成乾隆十  
三年 旌表

魯氏陳愷妻年二十夫亡生遺腹子紡績度日上奉病姑  
下撫弱息奉養無缺教訓有方歷三十四載守節完貞  
乾隆十九年 旌表

王氏馬瑗妻年二十夫亡貧不聊生紡績度日上奉老姑  
下撫幼子乾隆十九年 旌表

耿氏譚五倫妻年二十四夫亡立志守節奉養翁姑克供  
婦職撫孤子讀書成人育幼孫長入武庠次中庚辰科

武舉乾隆二十七年 旌表  
俞氏郭朝掄妻十八歲夫亡甘貧茹苦孝事孀姑善撫繼  
子乾隆二十七年 旌表

周氏高琚妻年二十夫亡立志守節繼嗣承祧紡績以事  
翁姑貧苦艱難始終無間乾隆二十七年 旌表

李氏齊萬福子婦農家女也素性端嚴笑言不苟一日萬  
福乘間調戲李氏正色拒之萬福持斧斫傷旋卽殞命  
乾隆三十三年 旌表

李氏庠生高齊斗繼妻年三十夫亡奉養姑撫幼子不墜



家聲

以下未旌

齊氏國學生魏業懋妻明林縣令齊鳴雷之女也夫亡無子委其業於族依母家以守值客兵移駐昌邑與民雜處氏懼辱閉戶自縊有司旌之

劉氏夫名失傳舅趙萬忠氏年十九夫亡無子父母勸改適氏不從備楮帛莫夫墓晝夜哭潛自縊死其家訟舅於官司理某公得其情杖其父而旌之

劉氏邢鳳階妻年十九夫亡子幼舅姑勸令改適不從刺一目以見志孝舅姑撫孤子更新成立守節八十餘卒後更新早卒妻杜氏年二十亦承姑志守節終身

馬氏邵瑚妻年二十二夫亡守節撫孤成立年七十三歲卒

田氏年十七夫幼姑早孀強暴乘姑外出誘之氏拒罵觸怒擊碎其首而死閭邑爲立烈女墳

曹氏舉人趙天錫妻年三十夫亡矢節孝舅姑勤紡績教子琅爲明經郡守張公朝琮旌曰坤貞懿範壽九十一終

曹氏庠生齊如琦妻年二十六夫亡清貞自矢勤儉撫孤教次子澤需食餼郡庠守節四十餘年至六十九歲卒高氏庠生齊如雲妻年二十餘夫亡矢節不移紡績課子



成立

孫氏庠生齊澤徧妻年二十八夫亡事繼姑勤紡績伯兄澤永早世氏爲擇繼撫之一如已子至六十歲卒

趙氏貢生張以忠妻年十八夫亡矢節堅貞繼姪爲嗣盡心撫教守節垂三十年

李氏張化龍妻年二十夫亡遺孤旋天舅亦逝氏矢節孝事孀姑夫弟甫數歲撫之成立苦節四十年

李氏周延助妻年二十三歲夫亡家貧子幼矢節不渝力勤紡績撫孤成立苦守三十四年

丁氏周文廣妻二十歲夫亡家貧子幼矢節撫孤苦守三十四年

劉氏曹文質妻年十九夫亡無子氏矢節自誓撫育繼嗣教以務農娶婦生孫苦節終身

劉氏田種玉妻年三十夫亡矢節甘貧撫遺腹子成立苦守四十餘年

龍氏文公裔韓法祖妻夫亡家貧日甚力勤紡織孝事庶姑教二子有成長珣中康熙戊子舉人次琇襲世廕儒士

趙氏張于堂妻堂亡氏年二十四無子舅姑早逝繼姪定方爲嗣後入武庠兼撫夫弟子陞成立爲娶室張氏年



餘陞又亡張年方二十亦無子族中無可繼者乃依嫂  
勵志守節事孀嫂如姑撫孤姪如子紡績糊口甘苦相  
依苦節四十餘年而歿

焦氏楊廷棫妻年二十二歲夫亡孝事公姑公姑歿喪葬  
盡禮撫孤成立年七十二而卒

任氏張玠甫妻于歸五月餘玠歿氏年方十九歲舉遺腹  
子矢志守節孝事衰親撫養孤兒飲水如藥者六十餘  
年鄉人稱之

楊氏庠生段志灝妻年二十五夫歿嗣子段焯流落關外  
氏貧困自守依孀姑姪婦紡績度日壽八十三而卒

曾氏張延緒妻年二十夫歿無子矢志守節繼族子爲嗣  
氏親操井臼食貧作苦敬事舅姑三十餘年鄉人咸推  
重焉

陳氏齊兆熊妻夫亡氏年十九遺子泰甫週歲氏立志撫  
孤敬事舅姑朝夕不懈延師課子青年入泮守節三十  
餘年

任氏庠生段有經妻年二十三夫歿誓死靡他言笑不苟  
嗣子士枚以延宗祀壽五十七而卒

豈氏盧邑舉人豈惟訥女高偲妻年二十三歲夫亡舅老  
夫弟幼子孤氏紡績度日勤儉成家年六十五歲卒



閻氏邑庠生閻琮女苟堂妻年二十二歲于歸甫七月夫  
亡堅貞自矢奉養孀姑至五十餘歲卒

賈氏楊成名妻年二十二夫亡家無常產氏矢志守節日  
勤紡績教子誨女四十餘年

王氏劉文炳妻年二十七夫亡所生俱夭孀居至六十歲  
孤苦零丁霜清玉潔邑人稱之

劉氏戴君傑妻年二十三夫亡時長子甫四歲次子在襁  
褓家貧父母欲奪其志氏立志撫孤長子朝胤克繼書  
香次子宏勳中戊子科武舉壽八十四而終

喬氏李桐妻年二十三歲夫亡家無置錫子方在抱紡績  
度日矢志靡他年九十完節以歿

趙氏庠生孫繼武妻年二十七夫亡氏矢志守節撫孤入  
泮邑令吳某給匾旌之

劉氏邑庠生邵瑄妻年二十三夫亡撫子爾欽讀書成名  
上奉孀姑竭誠盡敬頗得歡心孫男多列黌宮壽一百  
二歲卒

李氏處士邵良臣妻年二十四夫亡氏栢舟自矢集蓼茹  
荼嗣子裁撫養成立年七十卒

李氏萬璋妻年十四歲夫亡撫幼子承勵冰霜守節三十  
二年



王氏温成義妻年二十歲夫亡舅姑欲奪其志氏痛哭柩前自縊死邑令徐某給匾旌獎

郭氏方成魁妻二十三歲守節孝事孀姑紡績度日督學倪公旌其門

周氏邑庠生錢世珍妻年二十六夫亡繼族姪澤爲嗣教養兼至爲府學歲貢督學徐公額旌其門卒年八十有

一

張氏任七政妻年二十夫亡無出嗣子名上庠撫教有方於雍正癸卯年得膺選拔壽至古稀

梁氏唱煦其妻年十七夫亡生子不滿三月氏立志守節

撫養遺孤克勤克儉閭里稱之

孟氏王淑世妻年十九夫亡無子誓不改嫁勤織紡時翁年已逾六旬爲之買妾生二子躬親撫養節孝雙全

孫氏李禮妻年二十三夫亡守節妻風苦雨五十餘年督學金公給匾旌之

馬氏劉國章妻年二十六夫亡遺子方三齡舅姑衰老家貧無資氏敬事二親撫養孤子年七十六歲以壽終

范氏郭天民妻年二十一夫亡氏紡績度日冰雪爲心督學德公旌其門

韓氏李作梅妻十七歲于歸二年夫亡持家勤儉志凜冰



永平府志 卷之二十一  
霜督學徐公給匾旌獎

王氏梁瑁妻夫亡氏年十九歲無子繼姪爲嗣撫如已出  
青年守志白首完貞鄉里咸推重焉

周氏董用妻年二十七夫亡氏矢志守節孝事翁姑撫嗣  
子成立以延宗祀年七十六歲卒

王氏曹國柱妻年二十四夫亡氏立志守節誓不他適督  
學某公給匾旌之

陳氏李尙敏妻年二十五夫亡氏立志守節紡績餬口督  
學金公額旌其門

劉氏高宏奏妻夫病劇氏誓以身殉歸與母家永訣及還  
夫病悵憤遂乘間自縊年二十二歲

周氏高執中妻年十九夫亡繼子爲嗣日勤紡績竭力事  
姑姑以孝婦稱之

王氏儒童高理妻年二十一夫赴考得疾卒氏恨不與面  
訣痛不欲生以姑在堂繼姪士駿承祀事姑以孝聞

周氏高宏琮妻年二十夫亡繼姪爲嗣立志苦守日夜紡  
績垂三十年鄉人稱之

齊氏高天賜妻年二十五夫亡遺二子躬親織紉教養成  
立長入文庠次子宏裁辛卯舉人任南陵知縣督學呂  
公給匾旌之 勅封孀人



章氏張琇妻年二十四歲夫亡氏矢志靡他日勤紡績孝  
事公姑撫子鵬翼成立由府庠入貢守節三十八年卒  
席氏趙夢麟妻年三十一歲夫亡遺三子氏治家有則訓  
子有方飲冰茹蘖六十餘載壽九十三而終次子延輔  
妻郭氏年二十八歲延輔亡三子延傑妻高氏年二十  
五歲延傑亦亡俱苦節完貞人無間言壽七十餘而終  
督學錢公給匾旌之曰三松蘊翠

王氏趙興昌妻年三十三夫亡氏日勤紡績志勵冰霜教  
子有成始終如一卒年六十四歲

趙氏張基妻年二十五夫亡氏甘貧守節繼姪爲嗣撫養

成人完貞以歿

侯氏邑庠生高濬妻二十三歲夫亡氏守節不移撫孤成  
立長子天權入庠太守張公給匾旌之

孫氏李林妻年十八于歸本年夫亡氏立志守節誓不再  
醮集蓼茹荼終身無怨鄉里稱之

朱氏盧煥妻年二十三歲夫亡矢志守節孝奉孀姑撫  
嗣子成立貞操歷久不渝壽至七十有二鄉人至今稱  
之

王氏馮燭妻二十歲于歸本年夫亡氏績紡度日艱苦備  
嘗人咸稱其節焉



周氏楊作材妻二十五歲夫亡時舅姑已歿無子息田產  
父母欲奪其志氏以死自誓從此不登父門族人哀其  
志繼堂兄子承嗣饑寒困苦終無怨言迄今八十餘歲  
馮氏臨榆縣庠生馮呈祥女任方毅妻年十九歲夫歿誓  
不他適紡績自給日夜不輟嗣子以延宗祧教養成入  
鄉人推重焉現年六十歲

錢氏增生孟法孔妻年十九適孔甫五月夫亡奉養孀姑  
克敦婦職姑歿氏盡賣簪珥力營喪葬繼姪以承宗祀  
弱冠遊府庠苦節貞操久而彌篤鄉黨稱為節孝現年  
七十六歲

趙氏原任博興縣知縣趙文穎女處士閻公鑄妻年二十  
五歲夫亡氏栢舟自矢孝於公姑繼姪為嗣教養成立  
性甘勤苦紡績之聲五夜不輟飲水茹蘗者四十六年  
現年七十歲

劉氏任上達妻年二十二夫亡氏誓死守節敬事舅姑撫  
嗣子如已出人無間言現年六十二歲

王氏楊名實妻年十八歲夫亡甘守苦節嗣子以承宗祧  
現年五十八歲

靳氏劉有德妻年二十四歲夫亡氏矢志靡他繼姪以承  
宗祀事祖父母及舅姑克敦婦職居常淑慎寡言端莊



有度現年六十餘歲

侯氏田永嘉妻年二十七夫亡孀姑年老日夜紡績孝養十年撫孤成立現年七十四歲

耿氏李尙禮妻年二十夫亡氏甘心守節孝事公姑謹執婦道始終無間現年五十八歲

趙氏張進德妻年二十一夫亡氏甘心苦守備歷艱難現年六十七歲

李氏傅進功妻年二十三夫亡守節撫子成立現年七十歲

劉氏李紹陶妻年二十夫亡氏立志守節孝事公姑教子

成立現年五十四歲

楊氏任汝賢妻年十九夫亡氏栢舟自矢孝事公姑繼夫姪爲後四十餘年始終如一現年將六十歲

趙氏邑庠生戴琇妻琇亡氏年二十四守節撫孤勤勞家業子亡撫孫延師課讀以繼書香現年六十八歲

魏氏處士張朝弼妻年二十五夫亡矢志守節教子成名現年六十八歲督學德公給匾旌之

喬氏魏景妻年二十九夫亡氏仰事俯育志礪冰霜現年六十一歲

陸氏劉連元妻年二十六夫亡矢志守節繼子承祀現年



六十三歲

趙氏處士邵渠妻年二十二夫故氏誓不他適仰事翁姑起敬起孝嗣子承孝已列膠庠現年六十歲

趙氏郝大雅妻年十七夫亡撫遺腹子家徒四壁紡績以事翁姑養生送死各盡其禮現年六十六歲

許氏賈平鳳妻年二十四夫亡嗣子承祀舅姑老且病氏奉養維謹朝夕不懈及歿殯葬盡禮現年六十五歲

苟氏郭思忠妻年二十三夫亡氏紡績餬口皓首完貞現年六十三歲

張氏龍行雲妻年二十三歲夫亡子未周歲姑早逝孝事衰翁撫孤成立或稱其賢氏曰此未亡人分內事非是吾何生爲聞者重之現年七十三歲

邵氏趙梁棟妻年二十九夫亡守節現年六十六歲

常氏張起麟妻年十八歲夫亡教子有方治家有道現年八十二歲

費氏李廷琳妻年十七于歸甫六月夫亡氏栢舟自矢敬事翁姑紡績度日現年五十七歲

吳氏李雲鴻妻年二十四夫亡無出繼姪爲嗣氏賦性端莊持家勤儉完貞守節人無間言現年六十四歲

秦氏趙三多妻年二十七夫亡氏栢舟矢志教養雙孤現



年五十八歲

龐氏儒童楊實妻年二十夫亡無子矢志守節孝奉孀姑繼姪爲嗣現年五十歲

以上昌黎縣

金

張氏信武將軍齊某妻錦州故工部尚書九思後也適齊封汝南縣君能撫其前子將軍觀史氏從旁問將軍重之後將軍卒貞祐初蒙古兵入平灤大掠乃攜家之燕亂平歸業已焚蕩無餘氏甘辛苦拮据治家竟能保有宗祀孀守三十年卒及殯執紼送者千人鄉貢守素其

子也

明

石氏太守石某女適豐潤縣尹王伯川生子守興伯川早卒其子亦天氏撫其妻子無異已出又丐文立碑祖塋紀先世功德翁瓚惡之爲磨其文並削妻子名比翁卒猶爲立石紀瓚不仕高蹈之志

孫氏宋昇妻年二十七夫亡家貧兩孤襁褓氏織紡以給衣食撫之成立後二子相繼亡又撫遺孫成立年八十餘卒天順五年旌表

王氏劉敬妻年二十二夫亡家貧遺一女誓不再適紆刺



自給年六十五卒嘉靖七年旌表

李氏官富妻年十九夫亡一子襁褓守節四十年嘉靖八年旌表

葛氏黨文明妻年十八歸黨五月而夫亡號痛不輟其母止之氏曰夫死再嫁豈良婦耶因自縊人覺而救之夫殞防少弛氏竟縊死事聞旌表

商氏庠生劉孟弦妻子珠甫三月而孤餽粥不給氏奉姑盡歡撫孤成立人無間言年七十卒

楊氏庠生盧繼伯妻年十六于歸未再歲夫亡慟欲俱亡時有娠五月姑諭曰倘得一子亦可承祀奈何死爲果

生子閨範甚肅奉姑極孝姑病月餘日夜扶掖嘗藥及卒哀毀盡禮又善奉庶姑戒子勤學爲諸生事聞旌表  
王氏庠生汪必相妻年十九夫亡遺孤襁褓哀毀骨立自縊柩前賴救獲免紡績事姑姑暑月患癰氏日夜洗濯敷藥籲天願以身代果愈逾數年姑歿殯葬如禮守節四十餘年萬歷三十一年詔旌

齊氏庠生寧君錫妻年二十五夫亡撫孤四歲守志不奪紡績以事繼姑食貧無怨至八十餘卒詔旌

史氏庠生魏化淳妻年二十四夫亡遺孤三歲甘貧守節撫訓遊庠至八十餘卒詔旌



國朝

劉氏康朝選妻年十九遭姪賽求姦不遂用斧釘死康熙

三十九年 旌表

李氏程可法妻年二十三夫亡子方三歲撫養成立未幾

子復天又撫孫成立雍正三年 旌表

侯氏蕭裔介妻年十九夫亡子甫三月教育成立苦節五

十餘年雍正三年 旌表

李氏庠生闕相宸妻年二十七夫亡兄欲奪其志剪髮以

誓食必先薦夫靈嘗割股療姑病撫三子俱入庠壽九

十三卒雍正六年 旌表

孫氏曹啟賢妻年十六夫亡舅姑俱歿祖舅姑年俱八十

餘無所依倚氏紡績供奉撫孤成立雍正八年 旌表

毛氏康慶遠妻年二十五夫亡孝事舅姑喪葬盡禮課子

食餼子亡與媳任氏同撫孤成立守節五十年雍正八

年 旌表

蕭氏郝文賢妻年二十九夫亡翁年九十餘氏奉事維謹

撫幼子成立雍正十年 旌表

蕭氏毛鍾秀妻年二十八夫亡事孀姑節已食用以供醫

藥姑得享遐年撫週歲子成立雍正十年 旌表

李氏李輪妻年二十八夫亡家貧孝事翁姑供膳甘旨悉



資紡績繼姪爲嗣撫之成立雍正十年 旌表

王氏楊甫望妻年二十六夫亡撫週歲子朝用採藜藿度

日子十歲卽教以力田暇則令讀書義學俾得成立雍

正十年 旌表

寧氏張宏基妻年二十四夫亡翁姑俱高年日夜紡績養

生送死備嘗艱苦撫幼子繼先入泮守節六十四年雍

正十一年 旌表

李氏孫翰妻年二十夫亡無子姑患癱病不能動履氏扶

持奉養十一年卒無怠色繼姪爲嗣撫之成立雍正十

一年 旌表

姚氏張永康妻年二十三夫亡遺二子琥楷俱幼舅姑旋

歿氏竭蹶殯葬紡績度日訓二子讀書俱爲庠生苦節

四十年雍正十一年 旌表

葉氏寧璫妻年十八夫亡孝事翁姑撫二歲子住嗣成立

補增廣生娶妻安氏生孫夔甫四歲而安氏亡氏又教

養之亦得入泮守節七十餘年雍正十一年 旌表

趙氏蕭有賈繼妻年二十一夫亡前子甫九歲辛勤撫養

無異已出紡績以供姑膳及歿竭力殯葬族黨稱孝雍

正十一年 旌表

劉氏尹仲成妻年二十六夫亡翁姑俱七旬氏奉養維謹



及歿喪葬盡禮紡績茹素撫孤成立雍正十二年旌表

雲氏陳永貴妻年二十四夫亡孝事舅姑甘旨不缺撫孤十餘年復歿又繼姪爲嗣訓之成立雍正十二年旌表

楊氏吳琬妻年十九夫亡翁姑早逝遺子僅兩月家計窘乏父母憐其孤苦勸令改適氏以死自誓荼苦自甘卒能撫孤成立雍正十二年旌表

姚氏劉志儒妻年二十二夫亡翁姑衰子僅二歲氏紡績奉養數十年撫孤入泮食餼雍正十二年旌表

白氏高甲妻年二十二夫亡事病姑以孝稱遺孤僅彌月撫育成立兩小叔俱幼穉氏維持保護不少倦鄉黨賢之守節至七十六歲雍正十二年旌表

蕭氏廩生王孫蘭妻年二十五夫亡守節家赤貧氏紡績爲生事七旬舅姑始終維謹撫六歲孤子早歲入庠乾隆元年旌表

佟氏曹沉妻 畢氏陳一甲妻 魏氏盧毓花妻 蕭氏

劉通妻 周氏田選妻 鄒氏孫可振妻 孫氏趙璠

妻 俱夫亡守節乾隆元年旌表

齊氏商鵬九妻年二十四夫亡遺孤二歲氏紡績爲生上



供舅姑甘旨下資弱子膏火苦節五十餘年子補縣庠

乾隆二年旌表

王氏劉京妻 康氏張捷魁妻 楊氏李朝華妻 胡氏

郭健才妻 井氏張蔭選妻 賈氏段脩道妻 俱夫

亡守節乾隆二年旌表

姚氏李芝妻年二十三夫亡無子孝養老姑訓繼嗣成立

補弟子員乾隆三年旌表

劉氏陰思恭妻 胡氏田聚寶妻 王氏周廣生妻 石

氏何懷璞妻 徐氏陰自科妻 俱夫亡守節乾隆三

年旌表

姚氏張紳妻 李氏徐弼龍妻 倪氏王道復妻 孫氏

張啟健妻 俱夫亡守節乾隆四年旌表

劉氏毛胤龍妻夫亡守節乾隆五年旌表

正氏趙莊妻 苗氏劉孔訓妻 石氏李玉寶妻 王氏

陳子上妻 俱夫亡守節乾隆六年旌表

景氏賈爾胤妻夫亡守節乾隆七年旌表

葛氏嚴居珍妻 王氏楊玉秀妻 武氏高良宰妻 楊

氏劉明璋妻 張氏王思敬妻 康氏高奇妻 俱夫

亡守節乾隆九年旌表

蕭氏曹琮妻夫亡守節乾隆十年旌表



富氏楊聚蘭妻夫亡守節乾隆十一年旌表

楊氏孫好問妻耿氏郁文燦妻李氏劉海問妻苗

氏齊國碧妻楊氏孫連舉妻王氏孫朝賓妻俱

夫亡守節乾隆十二年旌表

李氏張永正妻張氏劉興仁妻俱夫亡守節乾隆十

三年旌表

季氏李守鳳妻夫亡守節乾隆十七年旌表

倪氏李范妻年十九于歸逾九月夫卒無子繼姪維垣為

嗣教誨成立選貢成均乾隆十八年旌表

陳氏孟顯妻年二十二夫亡賢淑天授貞節性成孝事孀

姑慈育孤子紡績自給備嘗艱苦乾隆二十一年旌

表

葛氏太學生陰自成妻年二十五夫亡無子矢志守節撫

夫兄子為嗣恩義肫至事舅以孝謹聞族黨重之乾隆

二十三年旌表

張氏庠生宋傳臚妻年二十六夫亡矢志同穴事翁姑克

盡婦道姑病數年日夜扶持罔懈撫育嗣子補郡弟子

員乾隆二十九年旌表

汪氏王克勤妻年二十歲守節藜藿不充紡績以事翁姑

歷盡艱苦教子成名乾隆三十五年旌表



倪氏王鍾靈妻年二十四守節孀姑在堂紡績以供甘旨  
養生送死盡禮盡哀撫繼子如已出延師課讀入泮成  
名乾隆三十五年 旌表

高氏王承烈妻年二十二夫亡翁老子幼家貧無倚氏紡  
績以供苦節四十餘年乾隆三十五年 旌表

趙氏張應贊妻年二十一夫亡遺孤二歲有富豪慕其姿  
求聘氏誓死不從孝事孀姑撫子成立子又亡撫三歲  
孫成立艱苦食貧終身無間至八十一卒 以下未旌表

劉氏庠生王時衡妻年十九夫亡矢節撫孤繼孫成立相  
繼而亡又撫曾孫宗祧不絕皆氏力也壽九十卒

高氏賈榮妻年十九夫亡無子或勸之嫁氏自誓守節足  
不踰閭亦不歸寧姑患疽氏吮膿穢奉湯藥數年不怠  
苦節四十年

姚氏王三晉妻年二十四夫亡無子貧寒徹骨誓以死守  
繼子含珠未週歲嚼汁喂哺撫育成立爲庠生苦守四  
十餘年

馮氏庠生蕭濟妻年二十三夫亡遺孤柱甫彌月翁亦旋  
亡欲奪其志者甚衆氏抱哺其子矢節益堅及子長氏  
始安苦守五十年郡守張公朝琮旌曰勁節存孤

高氏庠生王積蔚妻年十八夫亡舅姑早歿遺腹子全斌



幼多病氏百計護持委曲撫訓得爲庠生以繼書香苦  
守六十餘年

趙氏賈思福妻年二十三夫亡無子繼姪爾訖爲嗣娶媳  
景氏甫三年爾訖又亡遺孫在襁褓兩孀一孤形影相  
弔貞操並矢撫孤成立氏守節五十三年景氏守節三  
十九年郡守張公朝琮旌曰松栢雙貞

朱氏江有餘妻年二十七夫亡遺孤永幼氏勁節自持辛  
勤撫育教子遊庠守節五十餘年

牛氏齊自先妻年二十八夫亡力勤紡績孝養舅姑生事  
死葬靡不盡禮撫育二子成立

劉氏葛萬里妻年二十四夫亡遺孤四歲紡織延生併日  
而食或勸之嫁氏曰夫亡而吾不死者爲葛氏嗣耳豈  
貪生人世乎會大雪房壓氏與子埋雪中二日幸救得  
甦子長娶媳生孫聰子媳相繼而亡孫無乳食氏哺喂  
之及長令就讀義塾氏自甘饑餒遺食於孫諸艱備嘗  
教孫遊泮苦節四十餘年郡守張公朝琮旌曰勁節貽  
謀

劉氏王君相妻年二十一夫亡矢節甘貧敬事舅姑辛勤  
訓子苦守三十年

張氏吳宗聖妻年二十三夫亡舅姑早歿遺孤三歲赤貧



無依藜藿自甘撫孤成立苦節四十餘年

張氏王調元妻年二十七夫亡家徒四壁矢志彌堅紡績度日撫孤成立苦節五十餘年

陳氏庠生商雲生妻年二十五夫亡孤幼氏日勤紡績以事舅姑及歿殯葬如禮撫孤成立鄉里稱賢苦節垂四十年

任氏賈升妻年十九夫亡遺孤未週歲矢志完貞辛勤撫育至五十三歲卒

楊氏石崇玉妻年十八夫亡耄姑在堂遺孤二歲堅貞自矢孝慈兼盡苦守三十六年

王氏國學生賈朝聘妻年二十三夫亡矢志靡他孝事舅姑辛勤教子守節三十年

鄒氏庠生賈士英妻年二十七夫亡姑老子幼家貧歲饑氏矢節力勤織紡仰事俯育備極孝慈教子遊庠苦節垂五十年

郭氏賈士祥妻年二十二夫亡遺兩孤幼矢節孝事舅姑及歿殯葬盡禮撫子成立長爲諸生守節三十年  
馬氏高繼先妻夫卒姑老子天繼族子爲嗣伶仃孤苦安之若素守節三十餘年

景氏杜邦相妻年二十二夫亡撫二歲幼子成立娶妻後



子與媳俱歿又撫週歲幼孫守節六十年

劉氏審宏昭妻年二十三夫卒繼姪爲嗣守節五十年

葛氏趙子榮妻年二十七夫亡守節六十年

苗氏張侗妻年二十夫故遺子甫二歲翁姑在堂自勤紡

織色養承歡寒暑無間及公姑歿喪葬盡禮撫孤成立

苦節五十餘年

楊氏孫大志妻年十九夫亡無子繼嗣承祧三十餘年人

無間言

戴氏庠生朱采妻年二十三夫亡遺孤甫二歲家貧無以

爲養氏晝夜作苦上事翁姑下撫孤子三十餘年鄉黨

翕然稱之

王氏汪文貴妻年十七歸汪無翁姑伯叔文貴原籍山西

寄居樂邑越十餘載夫歿遺女一子二俱幼守志十三

年長子歿五年次子又亡氏大慟曰吾所以不卽死者

爲兩孤耳今已矣無復望矣只有一死以報汪氏遂乘

夜潛至曠野縊死

陶氏李寅妻年十七適李是年九月夫故無子家極貧氏

紡績自給人嘉其苦節

霍氏李成璽妻年十八歲夫故無子日夜哭泣越年餘母

欲奪其志氏以死自誓勤儉作苦上事翁姑至老不懈



親族莫不欽其節孝

徐氏增廣生李猗妻年二十一夫亡無子以族子承嗣事姑孝謹教子嚴毅冰霜自矢三十餘年

陳氏廩膳生商卓妻年十八夫亡無子誓無二志奉姑極孝年六十五卒

吳氏張廷桂妻年二十四夫故無子守節至八十五卒

王氏李智軒妻年二十五夫亡守節紡績課子至七十三歲卒

王氏李維新妻年二十六夫亡事翁姑以孝聞撫二子皆成立

蕭氏甯爾成妻年二十六夫亡老姑在堂子甫二歲氏苦志守節紡績以事孀姑撫幼子成立

張氏生員姚起陶妻年二十六夫亡遺子二家貧無以爲生自勤紡績課子讀書二子俱補弟子員事舅姑以孝待妯娌以和爲鄉里所重

劉氏韓效孟妻年二十七夫亡遺子五歲家貧日勤紡績撫子成立

張氏廩生葛鴻錄妻年二十七夫亡遺子六歲事姑能孝教子成立

程氏王朝真妻真兄朝清干以非義強逼不從因勒斃清



亦畏罪自殺未及請旌縣令趙大經榜其墓

以上樂亭縣

明

黃氏女名妙宣許字龍昇年十九未婚而昇亡女聞訃哀慟不食久之有求聘者父母強之則以死誓知不可奪乃止事親極孝飲食衣澣皆出其手族叔嬖俱亡遺三尺孤特爲撫養且教之成立年踰七旬顏髮如童

趙烈女一片石軍人趙來住女年十六未字其母過鄰家有同戍軍窺母不在挑之女怒手批軍面軍驚去母歸哭訴曰我爲女子尙未適人賊軍輒敢淫語謔我安用

生爲求自盡母防之旣三日給其母出遂閤戶自縊死郡守張公烈勸明治軍罪爲之營葬樹碑以旌其烈焉

張氏千戶女爲李百戶長男昇之婦昇之病死無子晨夕哀慟見者感動舅姑強之嫁自縊死

郭氏庠生何志道妻年二十四夫亡家更無人父母迎歸養之諷以別醮誓不可屢強乃祥許曰卽改嫁須還顧何門及至何痛哭竟日中夜自縊死部使商公誥旌之田氏千戶劉世隆妻國學生田路女也世隆守界嶺口陣亡氏年二十九矢死靡他孀居五十八年備嘗艱苦部



使商公誥旌之

郭氏都督張世忠妻壽官郭茂女也忠死事氏年二十九幾欲捐生戚屬以撫孤勸矢志二十餘年御史溫公如璋疏稱夫爲國而死忠妻爲夫而苦節昭哉雙義允矣可嘉特監旌坊

蕭氏庠生張雲鶚妻父蕭大壯亦庠生鶚卒氏年二十六遺子重立甫五歲室如懸磬苦心撫訓領萬歷癸酉鄉薦重立又卒遺妻王氏及幼子三人氏與子婦艱苦共守撫諸孫長並攻儒業年七十五卒部使孟公秋旌之林氏衛卒羅榮妻年二十七夫亡家貧子幼苦志自守壽

九十六卒詔旌

郭氏朱澄之妻年二十二夫亡無子甘守孤貧苦節垂六十年

倪氏國學生樂養義妻年二十四夫亡矢節撫二子苦心訓育成立壽八十卒巡撫李公頤題旌

張氏劉復初妻年二十七夫亡僅遺一女語及改嫁輒慚憤孝養其姑終身無敢違禮

王氏庠生施允宸妻年二十六夫亡舅姑子嗣俱無窮苦勵節三十餘年

韓氏千戶高世勳妻年二十六夫亡遺孤尙忠方懷抱撫



育苦守當子襲職時氏年七十歲

劉氏千戶洪大金妻年二十夫亡家徒壁立撫孤成人苦節六十餘年

劉氏國學生蕭被遠妻太僕卿復禮女年二十八夫亡子女俱無孤守四十年閉門不出笑言必謹代巡吳公阿衡旌之

林氏庠生程繼中妻年二十六夫亡引刀欲殉家人力勸不得死乃毀容斷髮矢節終身代巡吳公阿衡旌之七十二卒

羅氏庠生鄭廷獻妻年二十二夫亡守節不渝撫子允升遊庠食餼時氏已老代巡吳公阿衡旌之

詹氏庠生馮九鼎妻年十九夫亡遺孤甫六月艱苦自守誓不他適四十七卒鄉人哀之

魏氏指揮李宗堯妻年二十五夫亡無嗣守節六十年院道屢旌

王氏庠生蕭裕遠妻茶陽知縣從政女也年三十夫亡遺一女孤守無他志動循禮法髦年而終代巡吳公阿衡旌之

魯氏儒士穆齊崙妻年十六夫亡遺一子氏剪髮營葬孤苦四十餘年內外無間



郭氏庠生李養士妻年二十六夫亡遺孤六歲貧苦勵節以針工自給至六十九卒

周氏韓國楨妻少嫠孤幼斷火絕粒日攻鍼朥撫子有成郭氏徐承恩妻年二十一夫亡遺孤甫週歲及葬臨穴欲殉舅姑親屬力勸乃止守節三十餘年

張氏儒士辛棟隆妻年二十一夫亡家甚貧遺孤幼女紅自給孝養舅姑課子遊泮詔旌

楊氏庠生張翹妻翹孝廉重立季子也孝廉早逝孀姑王氏在堂翹亡氏年二十守節孤子四歲不辭貧窶孝姑教子祖姑孫婦三世俱以節聞

孫氏庠生蕭行遠妻年二十歸行遠克執婦道慮夫無子嗣脫珥置媵未育夫亡伶仃靡倚苦守四十年臨終幾無以爲殮

郭氏庠生譚有臨妻年二十夫亡誓死殉夫姑多方勸慰鞠育週歲孤兒苦節四十餘年

范氏千戶張守誠妻夫亡幾欲捐生篤志苦守針工自給允稱苦節

陳氏標兵馬如麒妻麒從鎮將追勦叛兵卸甲中風死氏聞變誓以身殉時年二十五有子甫四歲麒柩至赴哭三晝夜食不進姑勸以撫孤乃謂姑曰若非爾子耶二



十六歲尙不能事姑以終天年此熒熒者又何恃焉遂  
棄不復顧乘間自縊死關內道范公志完請於巡撫宋  
公國棟令配享貞女祠

國朝

李氏彭瑾妻夫亡翁姑年邁湯藥親嘗及亡喪葬盡禮撫  
孤子世勳入泮康熙間旌表

宋氏典姐許嫁蘭姓夫亡投繯自盡康熙間旌表

徐氏庠生郭重發妻年二十六夫亡止遺一女矢志節苦守  
幾五十年題請旌表

楊氏庠生張珣妻年二十六夫亡守節題請旌表

曹氏鑲白旗滿洲生員馬圖之妻年二十六夫亡事姑訓子

歷三十年題請旌表

王氏庠生郭聲遠妻年十九夫亡遺孤未週歲矢志靡他  
事舅姑以孝聞守節四十餘年雍正七年旌表

張氏庠生穆維頤妻年二十二夫亡遺孤宗璠甫三歲矢  
志苦守辛勤織紵教子遊庠守節三十七年雍正十年

旌表

穆氏庠生趙瑛妻年十七夫亡遺孤汝楫甫二歲勁節自  
勵始終無間課子遊庠貞守三十三年雍正十年旌

表



劉氏郭如朱妻年二十九夫亡事翁姑及繼姑克盡孝敬  
撫週歲子娶媳生孫猶勤紡績守節至六十二歲雍正  
十年旌表

馬氏林鳳至妻年二十四歲夫亡事翁姑生養死葬俱克  
盡禮撫子繼芳授室遊庠子媳雙亡子身孤苦紡績以  
終年六十歲雍正十年旌表

徐氏常時與妻年二十六夫亡姑老兩子俱幼紡績奉養  
撫孤成立孀姒殘疾養之如姑以次子爲之後守節至  
八十四歲雍正十二年旌表

魏氏呂正德妻年二十七夫亡翁姑年俱七旬三子皆幼  
仰事俯畜皆出紡績艱苦備嘗守節至八十九歲卒雍  
正十二年旌表

傅氏呂儲元妻年二十四夫亡家貧甚氏紡績撫孤荼苦  
五十餘年雍正十二年旌表

趙氏劉碣妻年二十一夫亡六日生遺腹子氏立志撫孤  
成立娶婦生孫子又天氏借媳共守苦節三十四年雍  
正十二年旌表

詹氏程廷對妻年二十九夫亡孤貧自守上事翁姑下撫  
子孫慈孝克備雍正十三年旌表

王氏庠生賈朝聘妻年二十四夫亡翁姑繼歿氏竭蹶喪



葬咸稱合禮撫育兩孤俱克成立未幾二子相繼亡氏  
壽終七十八歲雍正十三年 旌表

沈氏庠生呂世陞妻年二十七夫亡矢志守節教子成立  
卒年八十有四乾隆元年 旌表

郭氏范維禮繼妻夫亡無所出撫元配子女如已出家故  
貧然性好施與見鄰里饑寒輒脫簪珥周之子濬由明  
經秉鐸河間孫方霽入泮乾隆元年 旌表

趙氏監生李馥生妻年二十九夫亡二子俱幼氏矢志守  
節事繼姑盡孝勤儉持家撫孤成立歿年八十有二乾  
隆二年 旌表

隆二年 旌表

熊氏施懷信妻年二十八夫亡有二子家赤貧紡績以資  
朝夕長子邦佐旋亦病故偕子婦撫其幼孫以迄成立  
性勤儉耻華飾舉動以禮不苟言笑處娣姒親姪間從  
容和厚內外無言歿年九十有二乾隆四年 旌表

郭氏趙正功妻年二十二夫亡遺孤文煥甫八月撫之成  
立貢於太學歿年八十有二乾隆四年 旌表

余氏施邦佐妻年二十九夫亡矢志守節事姑盡孝家貧  
紡績日夜不輟訓子義方俱各成立乾隆四年 旌表

李氏庠生吉毓麟妻年三十夫亡翁老子幼俯仰無資氏  
冰霜自矢孝慈克盡乾隆四年 旌表



郝氏楊進朝妻年二十八夫亡教子讀書克有成立苦節五十餘載乾隆十一年旌表

趙氏王元良妻元良偶他出氏獨處鄰人以言調之氏怒罵鄰人遁去元良歸氏訴其事遂自經死乾隆十三年旌表

趙氏吏員李惠民妻年二十七夫亡遺一幼女矢志守節事舅姑定省無缺撫繼子教養有方乾隆十四年旌表

郭生姐年二十二許字族姑之子范彬彬患瘋無力婚娶女還其聘釵又日以女紅助伊姑薪水逢令節必有所饋姑不忍悞其年少持還婚帖生姐遂自經死時年二十有七乾隆十八年旌表

穆氏李天祚妻順治元年闖賊寇關欲強逼氏氏怒罵不從抱女投井死年二十六歲以下未旌表

蔣氏庠生王文科妻年二十五夫亡子二長守緒次善述撫育成入俱遊庠雍正二年督學吳公應茶書額旌之郭氏蕭之高妻年二十九夫亡冰霜自矢撫遺腹子成立遊庠苦守四十餘年

李氏庠生郭重美妻年二十八夫亡遺兩孤幼氏矢志守節訓子長子遊庠又亡家貧以針工自給艱苦四十餘年



潘氏王爾勤妻年二十一夫亡遺孤未週歲艱苦撫育立志不移及至遊邑庠食餼守節垂六十年

穆氏庠生劉廷鞏妻年三十九夫亡無子矢節勤紡織孝事孀姑苦守五十年

王氏譚有章妻年二十三夫亡遺孤三歲舅姑旋歿家業中落藉女紅度日課子宏道爲諸生苦節五十餘年

曹氏劉世名妻年二十七夫亡遺孤四歲矢志靡他撫子遊泮守節垂五十年

郭氏庠生劉秉乾妻年十九夫亡止遺一女家貧織紵養親曲盡孝道女甫及笄又亡孤苦茹荼歷五十餘年

穆氏趙夢輻妻年二十九夫亡遺孤二歲矢節事姑親操井日勤儉持家訓子爲諸生苦守三十餘年

林氏魏士軫妻年二十七夫亡甘貧矢節撫孤成立貞守五十餘年

馮氏庠生任嘉彥妻年二十九歲夫亡遺兩孤幼撫養維艱矢志苦守終身不渝

穆氏庠生王欽明妻年二十七夫亡舅姑子嗣俱無矢節茹荼親睦妯娌苦守三十餘年貞操彌堅

董氏庠生程體觀妻年二十九夫亡遺孤幼勵志苦守教子遊庠始終一節



何氏蕭升妻年二十七夫亡子幼矢志靡他孝事孀姑終身勁節

蔡氏國學生呂煥如妻年二十一夫亡遺孤甫週歲家徒四壁艱苦備嘗孝養姑嫜撫子成立

董氏國學生郭進妻年二十七夫亡無子矢志堅守歷三十餘年

宗氏庠生馮騰蛟妻年二十七夫亡子幼與姑詹氏同守孀節貧苦自甘歷久彌勁

湯氏于應祥妻夫亡子幼矢志靡他孝姑彌謹其母憐其少與姑議令改適堅志不從及服闋歸寧母強之益力

遂痛哭反向夫靈大慟比暮自刎死郡守張公朝琮旌

曰巾幗完人

解氏馮九徵妻年十七夫亡遺孤甫五月堅貞自勵撫子遊庠守節四十年

常氏武舉郭垣妻年二十一夫亡遺孤麟甫三歲矢志苦守力勤紡績教子亦中武舉守節三十七年郡守張公

朝琮旌之

劉氏王慎修妻夫亡撫子成立娶媳張氏子又亡姑媳同撫一孫苦守四十年郡守張公朝琮旌曰松栢輝映

呂氏庠生程啟元妻光祿卿鳴夏孫女年二十二夫亡遺



孤先登甫三歲矢節孝事孀姑撫子遊庠貞操皎然  
邢氏庠生楊兆生妻年二十九夫亡矢節甚堅勤儉持家  
始終無間撫三子成立仲補增廣生

唐氏庠生劉天德妻年二十八夫亡已無所出妾聶氏年  
二十二生子甫三月氏與聶矢志撫孤女紅以資薪水  
備歷艱苦十八年孤又亡乃繼堂姪爲嗣其守貞之志  
彌勁

呂氏穆宗孟妻年十九夫亡遺孤開誠甫二歲矢志不渝  
自甘勤苦教子遊庠守節三十三年

夏氏庠生穆維節妻年二十夫亡遺孤幼矢志靡他撫子  
成立守節三十四年

穆氏呂時名妻年二十二夫亡遺孤承祖甫三歲清貞砥  
節辛勤織紡教子遊庠苦節五十年

喬氏詹寬妻年二十二夫亡遺子三歲女襁褓貧苦無依  
衣食常缺氏矢節彌堅惟憑女紅度日苦節二十餘年  
竟饑寒死

房氏庠生王成基妻年二十二夫亡家甚貧兩孤幼冰蘖  
自勵誓死靡他資針工撫子成立苦守三十六年郡守  
張公朝琮旌之

劉氏鄭遇時妻年二十七夫亡孤幼矢志守節孝事舅姑



力供菽水及歿殯葬如禮辛勤撫子成立苦守四十餘年

陳氏國學生任中傑妻年二十九夫亡五子俱幼矢志堅貞劬勞紡績撫課五子四列膠庠守節三十六年郡守張公朝琮旌之

魏氏薛邦興妻年二十四夫亡家貧無依矢志堅貞誠孝事姑義方教子苦守三十餘年

李氏儒士計可成妻年二十二夫亡家貧子幼勁節自持紡績精勤動循禮法撫孤成立苦守三十餘年郡守張公朝琮旌曰金石貞操

劉氏牛文龍妻年二十八夫亡矢志靡他孝事孀姑勤操家計撫子良佐遊庠守節五十餘年

張氏傅尙卿妻年二十四夫亡子幼矢志節撫孤及長又亡遺兩孫復撫課遊庠會孫亦入泮甘貧完節五十餘年郡守張公朝琮旌之

房氏儒士趙敏妻年十六歸趙甫三月夫亡誓死靡他生遺腹女撫訓備至擇婿字之苦節垂三十年郡守張公朝琮旌曰節比松筠

劉氏蔣元輔妻年二十二夫亡家徒壁立矢志守貞生遺腹子懷蓋日資紡績撫孤成立苦節三十三年郡守張



公朝琮旌曰冰霜勁節

董氏程起雲妻年二十二夫亡矢節孝事舅姑力勤紡織教子法爲郡庠生守節三十七年

王氏杜朝盛妻年二十五夫亡止遺二女孤苦伶仃織紝自給矢節三十四年

張氏常進文妻夫亡遺兩孤幼氏矢節撫之成立俱授室次子時興先亡媳徐氏年二十三遺孫僅兩月長子時泰亦亡媳王氏年二十九三孀相依共撫兩孫成人秉信爲郡庠生郡守張公朝琮旌曰一門貞節

候氏庠生趙登雲妻年二十六夫亡遺孤丹未週歲內外

無倚氏矢節力勤針工撫子遊庠苦節四十餘年

趙氏林枝宗妻年二十三夫亡幾欲捐生舅姑曲諭撫孤大義乃矢節盡孝撫三歲子琦貢入太學守貞五十餘年

張氏王應新妻年二十七夫亡遺兩孤幼撫育成立仲子加士娶婦郭氏年二十三加士亡遺孫三歲氏與媳相依苦守始終無間郡守張公朝琮旌曰一門雙節

劉氏潘天柱妻年二十六夫亡家貧子幼或勸之嫁氏誓死堅守撫孤成立苦節三十五年

張氏庠生馬應運妻年二十七夫亡子幼孤苦伶仃饗殮



不給氏辛勤撫孤績紡度日守節三十餘年

傅氏劉文登妻年二十七夫亡子幼家業日窘氏矢志撫

孤食貧無怨教子有成守節垂四十年

侯氏高琳妻年二十二夫亡遺孤文繡甫四十日矢節事

舅姑養生送死備盡孝道殷勤撫育教子遊庠苦節四

十年郡守張公朝琮旌曰勵節全慈

計氏郡庠生王象賢妻年二十一夫亡無子冰操自勵孝

事孀姑朝夕不懈苦守二十餘年族人嘉其節孝繼姪

嗣之

牛氏國學生謝昌言繼妻年二十九夫亡家貧勤女工以

奉姑生事死葬盡禮撫前子女如已出子不顯食餽郡

庠守節垂三十年郡守張公朝琮旌曰斷髮授經

王氏周璉妻年二十二夫亡遺孤三歲矢志靡他撫子成

立守節三十年

朱氏趙德芳妻二十五歲夫亡遺三孤幼矢志靡他撫子

成立紡績自給教孫遊庠苦節五十年

柴氏李起鳳妻年二十九夫亡兩孤幼苦節持家義方教

子守節五十餘年

李氏何爾通妻年二十九夫亡守節教子昌運遊庠

何氏郭萬里妻年二十二夫亡矢節苦守撫子成立始終



不渝

田氏王雲鳴妻年二十七夫亡遺孤二歲矢志堅貞撫子成立守節三十六年

楊氏田養粹妻年二十四夫亡家素寒上有舅姑下有弱息氏身任其事日用薪水咸取辦於十指養生送死罔不盡禮訓子以義方壽七十終

郭氏庠生馬襄妻年二十二夫亡遺兩子俱幼矢志苦守教子成立其仲子遊庠壽終七十有三郡守張公朝琮旌其門

宋氏監生羅鴻儒妻年二十九夫亡子國珍僅三月撫養成立旋歿子婦傅氏年二十六志共守傅氏生子三長綏遊庠郡守張公朝琮旌其門

劉氏穆維豐妻年二十五夫亡遺孤甫十月家徒四壁執女紅以自給饗殮常竭而節操彌堅至卒年六十有五馮氏生員楊賡妻年二十五夫亡遺子甫五歲教養成立餼於庠旋歿孫亦繼亡無嗣

張氏庠生李開芬妻年二十五夫亡無子以姪承嗣守節四十三年

黃氏范思勝妻二十六歲夫亡家貧生子未週歲紡績以給餽粥撫育成人歿年六十七



刁氏曹鳳妻年二十一夫亡家貧無子矢志苦守督學錢公陳羣書額旌之

趙氏吳暄繼妻年二十八夫亡舅姑年老前室子二俱幼氏生子未週歲家貧紡績度日奉事舅姑二十餘載曲盡孝道三子皆撫之成立守節三十餘年

郭氏劉士賢妻年二十九夫亡立志守節斷指自誓遂昏絕力救復甦卒成其志後疾篤其子琰剖股作羹以進食之既而愈知之茹素終身

李氏常維乾妻年二十八夫亡子天俊尚幼氏立志守節孝翁姑事葬盡禮課子嚴肅有法以支名餼於庠歿時年五十有五

李氏庠生穆廷遴妻年二十六夫亡無子貧不能自活資女紅以濟孝事舅姑和睦妯娌繼姪爲嗣撫之成立苦守四十餘年

謝氏庠生穆宗壽妻年二十六夫亡遺孤甫二歲苦節獨勵教子開琛遊庠食餼上事舅姑族黨稱孝督學使者錢公陳羣旌其門子開琛娶魏氏年二十六琛歿生子未一月魏誓不欲生族衆以事孀姑乳幼子爲勸乃勉自活未一載而子殤氏晝夜悲啼篤孝孀姑守節凡十五載年四十而卒



聶氏庠生劉天德妾年二十二夫亡生一子與正室唐氏共撫之後子歿繼堂姪為嗣唐氏旋歿聶氏一人撫之成立氏年八十有八郡守張公朝琮管關廳周公廷潤均旌其門

張氏袁起雲妻年二十四夫亡子二苦志守貞乾隆十一年縣令張公旌其門

楊氏齊進孀妻年二十四夫亡家貧紡績教子乾隆八年督學使者趙公大鯨旌其門

高氏李開香妻年二十五夫亡守志終身

程氏陳四海妻年二十七夫亡撫孤子紡績度日守節終

身

王氏傅國備妻年二十八夫亡守節課子讀書入泮

張氏庠生程廷升妻年二十三夫亡無子守志不移奉姑

維謹年六十時有為氏請旌者氏聞之曰吾不幸夫早喪宜相從於地下豈願留姓名於人間耶

楊氏李養植妻年二十八夫亡家貧紡績度日辛勤訓子乾隆二十年督學使者徐公以烜給額旌之

涂氏李時秀妻年二十七夫亡遺一子紡績教養及長授室子出關貿易遂不復歸氏與其婦以女紅度日艱苦萬狀聞者哀之



向氏閨梅之妻年二十二夫亡舅姑衰老遺孤僅一歲氏親執女紅度日養生送死克盡其道子長授室旋亦亡與子婦周氏荼苦共守

譚氏監生穆永清妻提督廷棻子婦年二十四夫亡僅遺女二矢志守貞族人欲爲請旌氏曰舅姑遠宦南省未盡一日侍奉真天地間罪人至守節乃未亡人本分何敢邀旌議遂寢

甘氏李道和妻年二十四夫亡遺孤八月家貧氏執機杼以事舅姑撫夫弟及幼子皆克成立乾隆二十年督學徐公以烜給額旌之

李氏邵起雲妻年二十九夫出關墜海死時有孕纔四月既而生子撫之子長採樵以養其母母以紡績助之意泊如也乾隆二十一年督學使者徐公以烜旌之曰茹苦甘飴

陳氏溫大妻年二十八夫亡遺腹三月生一子苦守二十三年教子成立鄉人稱之

宋氏吉永泰妻年十九夫亡遺腹生一女家無立錫勤女紅以奉孀姑人以孝稱之

陳氏辛延邱妻年二十九夫亡于又不肖或勸之改適不從卒守其志



郭氏薛良斌妻年二十八夫亡撫孤成立

徐氏趙子玉妻年二十八夫亡遺孤兩月舅姑衰老家又甚貧仰事俯育皆取給于十指鄉黨稱焉

田氏趙昌緒妻年二十八夫亡遺二子家貧糴殮不給氏日夜紡績撫孤成立

鄭氏劉中興妻年二十九夫亡生子甫二月撫之成立

高氏趙昇妻年二十六夫亡守節家貧紡績教子連氏張開甲妻年二十六夫亡遺孤五歲教之成立爲諸生有文名氏事舅姑以孝稱

張氏陳自貴妻年二十五夫亡遺孤至弱冠亦亡撫其幼

孫紡績餬口

王氏張謹至妻年二十三夫亡生子未彌月舅姑衰老家貧氏事親撫孤養生送死雖極困頓未嘗言瘁

趙氏張彬繼妻年二十九夫亡家徒四壁遺孤三月氏守志撫孤備極艱苦有諷以改適者則失聲流涕曰婦無二天餓死奚恤况弱息在抱可使謂他人父乎年衰老猶率子婦執女紅不怠

李氏田爾渥妻年二十三夫亡子方週歲家貧紡績度日趙氏劉朝典妻年二十一夫亡無嗣氏上事舅姑下撫夫弟終身無倦色



何氏王錫位妻年二十六夫亡無子撫姪爲嗣事孀姑以  
孝處妯娌以和紡績餬口曉夜無間

石氏楊超妻年二十八夫亡無子繼姪爲嗣撫養教誨  
如已出督學使者張公泰開給額旌之

羅氏田吉妻年二十一夫亡遺一子貧苦自守紡績自給  
譚氏劉琬妻年十八夫亡子殤撫繼子成立

張氏趙元英妻年二十二夫亡無子舅姑垂暮貧不能養  
或勸之改嫁氏拒之越十年以疾卒鄉人嘉其節立石

以誌

金氏庠生張瑋妻年二十九夫亡守節

穆氏監生周夢龍妻年二十四夫亡撫其子子又立  
其孫三人皆成立

石氏張瓚妻年二十四夫亡子甫二歲誓不他適紡績課  
子成立

范氏鄭鏞妻庠生范宏楷女年二十四夫歿無子止一女  
舅姑及其親屬咸勸改嫁氏以死誓久之姑得狂疾人  
皆避不敢近氏侍疾三載無倦色旣歿事舅尤謹家益  
貧困資紡績以給朝夕舅不樂必委曲譬解得其歡心  
舅歿五載氏遘疾曰吾事畢矣不藥而卒時年三十有

六



劉氏喬世昌側室年二十二夫亡嫡張氏無出氏子步雲  
僅二歲氏矢志守節事嫡惟謹治家有法訓子為邑庠

生

楊氏庠生沈德厚妻年二十九夫亡堅操守節現年六十

八歲

以上臨榆縣

山海衛併入

共將三人皆如立

孫月... 二十四夫亡... 其子...



